

891.89.09
L - 96

0 - 9 pg

91.542.09[344] LUCIFER.

h-60

ԱՇԽԱՏԱՆՔԻ=====

ԵՒ ԱՇԽԱՏԱԿՈՐԻ ԳԱ.

ՂԱՓՈՐԸ ԱԴԱՆԵԳՐԻԻ

Յ. ՅԱԿՈԲԵԱՆԻ=====

ԵՒ Շ. ԿՈՒՐԴԻՆԵԱՆԻ

ԲԱՆԱՍՏԵՂԾՈՒԹԻՒՆ-

ՆԵՐԻ ՄԷՋ :=====

Դրականական-քննա-
դատական էթիոդ

1909
Ն.-Նախիչևան .

13 APR 2011

391.89.09


B. LUCIFER.

L-96

ԱՇԽԱՏԱՆՔԻ ԵՒ ԱՇԽԱՏԱ-
ՀՈՐԻ ԳԱՂԱՓԱՐԸ ԱԴԱ-ՆԵԳ-
ՐԻԻ, Յ. ՅԱԿՈԲԵԱՆԻ ԵՒ
Շ. ԿՈՒՐՂԻՆԵԱՆԻ ԲԱՆԱՍ-
ՏԵՂԾՈՒԹԻՒՆԵՐԻ ՄԵԶ=

1902
1903
1904
1905

(Գրականական-քննադրասական Էթիու)



Wer für die Besten seiner Zeit gelebt,
Der hat gelebt für alle Zeiten".

Goethe.

„Я жить хочу,
чтобы мыслить и
страдать“.

Пушкинъ.

11518

1909



ԵՐԵՌԻ ԽՈՂՋՔ.

Համաշխարհային բանւորական շարժումը ներկայումս խոշոր ծաւալ է ստացել:

Այն ժամանակ, երբ այդ շարժման գիտական շտեմարանը հարուստ է, կուռ ու անյաղթ, նրա գեղարվեստական արտայայտութիւնը, ընդհակառակը, թոյլ է ու նւազ: Դրա պատճառը կարելի է որոնել այն բանի մէջ, որ գեղարվեստը՝ լինելով, մի կողմից, ոչ այնքան մատչելի բարձրութիւն, միւս կողմից էլ տռայժմ ոչ այնչափ կինսական ու անհրաժեշտ մեծութիւն՝ պրօլետարիատի համար, վերջնիս հայեցողութեան շրջանակից մի տուժամանակ դուրս է մնացել:

Բանւոր գասակարգը աշխատում է իրականացնել իդէալական աշխարհը, ամենաառաջ՝ ստեղծել մարդկութեան համար գեղեցիկը, քնքոյշը, բողբոշը: Գեղեցկի ինդիրը տակաւին նրա առաջումն է. իսկ այսօր գեղեցկի շաղախն է միայն, որ պատրաստում է պրօլետարիատը:

Սակայն գեղեցկութեան գաղափարը բանւորական խաւում այսպէս թէ այնպէս ունենալու էր իւր արտայայտումները:
Եւ այդ այդպէս եղաւ,



ԺԴՕԺ

ՆՈՐ-ՆԱԽԵԶԵՒԱՆ.
Տպարան Ս. Աւագեանի.

Խախչևան Ա.-1
Տիպոգր. Ը. Յ. Ավակովա.

Հէնց բանահիւսութեան ծոցում ծլեց ու ծաղկեց
Աղա-Նեգրիի քնարը, որ որոշ չափով եկաւ նւտագելու
պրօլետարական չարքաշ դրութիւնը. Աւելի կամ պա-
կաս չափերով պրօլետարական—ուսմկավարական լա-
րեր հնչւեցին և՛ Ալբիօնի դու երկնակամարի տակ
և՛ գիտակից ու կազմակերպւած բանւորական շարժ-
ման օրինակելի հայրենիքում և՛ վառվուուն Գաղղիա-
յում և՛ լոյնատարած տափարակի խաղաղ գաշտե-
րում:

Փոքրը մեծի յետերդն է:

Հայկական հորիզոնը միշտ պատաժ է եղել յետա-
գիմութեան թանձր մասախուզով. հայկական սիրու
կրծել ու մաշտ' է զարշ բացիլներից. հայութիւնը
ընկած է եղել նացիօնալիքոմի վաւաշուս ու շարաւուս
գիրկը: Բայց և այնպէս արդի կինսալիք շարժումը
մուաք է գործել և այնտեղ, պրօլետարական դրօշակը
այսօր պարզւած է և ամեն ինչը տառվ, բացի իւր
սեփականից, այն երկրում, որ թորգումի զաւակների
հայրենիք է կոչւում:

Պրօլետարական շարժման զուգահուաբար հրա-
պարակ է գուրու եկել և նրա Մուսան, խորապէս ա-
կօսւած վերջին տարիների համապիտական դէպքերից:
Մի շարք անուններ՝ Կուրդինեան, Էմիլ Նորեկը, Յա-
կորեան, որոնք, ՚ի բաց առեալ վերջինու, համախմբւած
են եղել մարքսիստական «կեանը», «Զայն», «Բան-
սոր» և «Գործ» թերթերի շուրջը, պրօլետարական քեր-
թողների շարքին են պատկանում:

Նկատենք, որ էմիլ—մեծ մասամբ տարամ ու
անորոշ շշտերով երգող մի բանաստեղծ—ինչպէս գի-
տաւոր աստղ՝ շուտով թողից Օլիմպիական բարձունք-

ները: Նորեկը ոչ մի ուրոյնութիւն չի ներկայացնում.
Նա բանւորական—ազատազրական նւտագների շնորհա-
ի թարգմանիչն է սոսկ: Մնում են Շ. Կուրդինեան—
պրօլետարական քնարի այդ դարգը մեզ մօտ—և Ց.
Յակորեան:

Քնկեր Յ. Lucifer իւր «Աշխատանքի և աշխա-
տարի զաղափարը Աղա-Նեգրիի, Յ. Յակորեանի
և՛ Շ. Կուրդինեանին իւսնաստեղծութիւնների մէջ» անու-
նը կրտպը գրւածքում, ժամանակագրական կարգով
իրար կողքի է շարիւ Աղա-Նեգրիին, Յ. Յակորեանին
և՛ Շ. Կուրդինեանին: Նա չի վերլուծում այդ քերթող-
ների երգերը զեղարւեստական սկզբունքի տեսակե-
տից, այլ պրատում է նրանց երկերի զաղափարային
բովանդուկութեան հիմքերը: Հեղինակը դնում է հար-
ցը ոչ թէ զեղագիտական, այլ հասարակագիտական
հողի վերայ:

Երեսյթը նոր է մեր կեանքում:

Ազգոյին սրբութիւններ կոչւածը, ազգայնական
անիմաստ ու անարժէք ձգտութիւնները մեր գրականու-
թեան—ընդհանրապէս, և բանահիւսութեան—մամա-
ւորապէս՝ առատ նիւթ են մատակարարել: Ո՞ր հազն
բանաստեղծը չի երգել հայի «գարդին ու ցաւը», հայոց
գործքերի «գովքն ու փառքը», մի խօսքով այն ամենը,
ինչ որ զուտ հայկական է, թթու ազգասիրական:

Գրականութեան զեկավարը, զրտկանական քըն-
նադատութիւնը—ինչ է ներկայացնում նա հայերիս
մօմ՝ չխօսենք այդ մասին—առաջնորդւել է հայ կեան-
քում նոյն յետաղէմ սկզբունքերով ու ձգտութիւնով:
Բանահիւսութեան և ըննադատութեան միջի արենա-
կցութիւնը շատ սերտ է եղել: «Արեան ձայներ»-ն և

հայորդի բանաստեղծների աշուղական լալիկան երգերը
ունեցել են և իրանց յատուկ տիրացւական քննադա-
տութիւն։ Նման զնմանն սիրէ։

Պըլետարական Մուսան ընկ. B. Lucifer-ի այս
աշխատութեամբ, որ իւր տեսակում առաջին փորձն է
կազմում մեղ մօտ, մտնում է պրօլետարական քննա-
դատութեան հովանու տակ։

Դժւարը առաջին փորձն է։ Այնուհետեւ ուղին
հարթելը հեշտ է։

Իսկ ուղին անհրաժեշտ է հարթել—այն էլ լուրջ
ու անդուլ աշխատանքի միջոցով—որպէսզի անպէտքա-
ցած ու հին կուրքելը շուտով կործանւեն, օր-առաջ
տապալւեն։

Օգոստոս, 1909 թ.
Ն.-Նախիջևան.

Հրատարակիչ.

I.

Հազիւ կարելի լինի գտնել մի այլ բանաստեղ-
ծական երկ, ուր այնքան էջեր նւիրւած լինէին աշ-
խատանքի գաղափարին, այնքան զեղուն ու յորգա-
հոս զգացմունքներ տեղային աշխատանքի վսեմ նը-
շանակութեան հասցէին, այնքան երգելը ու փառա-
րանւէր աշխատանքի ստեղծագործող ոյժը և այն-
քան ինամբով նրագծւէր մարդկացին հասարակու-
թեան ստորին խաւի վիշտը, կակիծներն ու մրմունջ-
ները, որքան կարելի է գտնել Աղա-Նեգրիի երկու
վտիտ պրակների մէջ։

Թանի գնում, այնքան ուժեղանում, յաճախ է
կրկնում այդ առաջնորդող ձգտումը. իսկ երկրորդ
պրակում նա գտանում է արգէն տիրապետող զիծը։
Իր անմիջական թէ վոխարերական արտայայտութիւն-

ներով, իր գեղեցկահիւս ուրբտումներով ու հալովումներով՝ մեր բանաստեղծուհին նրբին նկարագրում է աշխատանքի ընթացքը, ձևերը, ուրուազնում է աշխատաւորի հոգեկանն ու հոգերանականը, նրա ծանր կացութիւնը, վիշտն ու տառապանքը։ Նա շրջանայիցօրէն անդրագասնում է աշխատանքի զանազան էիւղերին (գործարանային-արդիւնագործական, հանքային, երկրագործական) և աշխատաւորների զանազան խաւերին (բանւոր, բանւորուհի, մանուկ աշխատաւոր)։ Նրա մուսան պայտա է գործում ֆիզիքական աշխատանքի մժմուրդի շատ ու շատ գաղտուկ անկիւններ և քաղում իր նիւթն ու հիւթը այդ կիսդանի, գերազանց շօշափելի իրականութիւն իրական ծոցից, թանձրացեալ պատկերներից ու երեւյթներից։

Ազանեգրին իրաւամբ կարելի է անւանել աշխատանքի երգիչ։

Իր լ պրակում, առաջին իսկ ստանաւորի մէջ՝ Աշխատե՞լ ես դուք վերնագրով, մեր հեղինակը խըրոխա ու համարձակ տոնով, լարերի ուժեղ հաշիւններով պարզում է իր լեյտոնիվ, իր բանաստեղծական երկին գաղափարային հիմք ծառայող օճէ սիք։ Իր սէրը հայցող, իրենով յափշտակւած երիտասարդի մէջ բանաստեղծը ամենից տռաջ որոնում է մի բան։ — աշխատե՞լ է նա արգեօք, ծանծթ է գարաւոր վշտերի հետ, մաքառե՞լ է բոնաւոր վիճակի դէմ, թէ խուսափել է վտանգից, որ զոհ չտայ իր կեանքը։

«Օ՛, եթէ ես, երբ և իցէ, բո ձեռքերը տեսնէի թերւած, հիւծւած, արիւնլւայ—այդ վիճակից ինքնագոհ,

Թէ տեսնէի, որ հեգնանքով դու ատում ես ժանգ ոսկին,
Սուրբ վաստակով ոգեորւած վերագառնում այլ կեանքի,

Այն ժամանակ ես քեզանով հպարտացած, բաշարի Քո գրկանքով, տառապանքով իմ կոյս կուրծքը կայրէի,

Բայց դու, մեզոտ կեանքի զաւակ—հաճոյքների սիրահար,
Զես աշխատել, ապրել ես զուր—կեանքը օտար քեզ համար։
Դու այնպէս էլ փայփայւած ես. բաղդախնդիր ստահակ։
Կորիք անարգ... քեզ համար ես պահած ունիմ լոկ զզւանք»։

Առաջին հայեացքից կարծես պարագօքս է թւում սիրոյ առեղծւածի այդքան հեշտութիւնը լուծումը։ Պօէտը մարդկային և ոչ մի յատկութիւն՝ ներբին թէ արտաքին, բացի «կոպիտ» ֆիզիքական աշխատանքից, արժանի չէ համարում կուսական սիրոյ գգւանդին ու փայփայանքին։

Սակայն միայն տուաջին հայեացքից էապէս վերցրած, անկախ բանաստեղծական թռիչքային երեւակայութեանը յատուկ չափազանցութիւնից, այդտեղ պօէտը հսկեցնում է աշխատանքային սկզբունքի գերազոյն արժէքը, հակազնում վերջինս ձրիակեր տարրի անաշխատ ու «հաճոյքների սիրահար» կեանքին։ Այդտեղ սիրոյ խնդիրը ստորագաւում է աշխատանքի լնեղին. առաջինը պայմանաւորւում է եր-

կորով.—սիրոյ սուբիեկտը կսիրոի, եթէ նա
բաւարարութիւն տայ ամենակարևոր պահանջին՝ ու-
ղինայ աշխատել, չմնալ «բաղդախնդիր ստահակ», այլ
«ոգևորւած վերագառնայ այլ կեանքի»,—ահա ինչ է
պահանջում բանաստեղծը նրանից, թու, աւելացնենք,
մի խոշոր պլիւս է Ադա-Նեկրիի ստեղծագործութեան
մէջ, եթէ ինկատի ունենանք այն հանգամանքը, որ
կան բացառապէս սիրոյ տոփանքը հրգող բանաստեղծ-
ներ, որոնք ոչ միայն «սոցիֆալական հարցը», այլ և
ամբողջ աշխարհը կզոհին՝ «սիրուն, սեաչեայ աղջիկնե-
րի կրօստ հայեացքին, քաղցրիկ համբոյրին»—Փիզիօ-
րգիական հաճոյքին:

Նոյն լեյտոնի-ը կրկնում է Ադա-Նեկրիի մօտ
շատ յաճախ զանազան ելեջներով և տարբեր կապա-
կցութիւնների մէջ. օրինակ՝ «Եթթանոսական համ-
բոյր», «Բանւորունին», «Նոր սէր», «Ինչո՞ւ» և այլ
ստանաւորների մէջ:

«Նոր սէր»-ի մէջ կտրդում ենք իմիջի այլոց
«Մենք հոգով նման՝ զաղափարակից—*)

Ահա թէ ինչու ես քեզ սիրեցի.

Տանինք աշխարհիս և ցաւ և՛ կսկիծ

Չոհւնինք ամբոխին, թնդ նա գոհ լինի»:

Ինչպէս տեսնում է ընթերցողը, այստեղ բանա-
ստեղծի լայտ-մօտիւը հնչում է աւելի բարձր, վսիմ
ու խորհրդաւոր տոնով: Աշխատաւոր կամ միայն աշ-
խատաւոր լինելը բաւական չէ, և առհասարակ թերի
ու անորոշ պահանջ է, ուղղւած՝ կուսական սէր հայ-
ցող, սիրւել ցանկացող սուբիեկտի հասցէին: Որով-
հետեւ վերջինս կարող է բրանաթոր աշխատել, իսկա-

պէս ունենալ «քերւած, հիւծւած, արիւնլւայ ձեռքեր»
—լինել վերջին պրօլետարը, բայց միաժամանակ ան-
դիտակից, հոգեպէս անբովանդակ, չունենալ այն գա-
ղափարային խմորը իր ներքին աշխարհում, որ պա-
հանջում է այժմ պօէտը, որպէսզի «հոգով նման՝ գա-
ղափարակից, տանին աշխարհի ցաւն ու կսկիծը, զոհ-
ւին ամբոխին» և այլն:

Աղա-Նեկրին բազմակողմանիօրէն, սուր ու թա-
փանցող գիտողութեամբ հնչեցրել է իր քնարը՝ երգե-
լով աշխատանքի կատարման շատ գէպքերն ու ձերը
և իրին՝ աշխատանքի ոյժի տիրոջ—աշխատաւորի—
կացութիւնը, յոյզերն ու վիշտը, կսկիծն ու տառա-
պանքը:

Մերթ նա աղօթում է («Մաղթանք») անկող-
նում պառկած տանջուղ ու տնօդնական մանուկ բան-
ւորի համար. նա, որ «օր չտեսաւ, վիճակը խեղճի
զրկանք էր անվերջ, ծհծ ու հայշոյանք գործարանա-
յին խուլ ժխորի մէջ»: Մերթ արտասում, մաշւում է
մեր պօէտը՝ փողոց թափթփւած անխնամ, թշւառ մա-
նուկների համար («Փողոցի տղանե»), որոնց ծնողնե-
րը տառապում են գործարաններում կամ բանտերում,
և կուզենար նրանց մօր պէս փայփայել: Մերթ ողբում
է նա թեր մեքենայից ջարդւած աղջկայ, տակ է՝
բանւորունու, թշւառ բազզը («Անիլի տակ»), որ «սի
հացի համար անհամար վշտեր ու տառապանք» է կը-
րել: Մի այլ տեղ («Ճրանեղծ կուսին») բանաստեղծը
կսկծում է տանջանքի ու ծանր կարխի աղգեցու-
թեան տակ ջուրը մատնւած բանւորունու կորուստը:
Մերթ նա յուզած շեշտերով պատկերացնում է աշ-
խատանք որոնելու դիտաւորութիւնը գիւղից մայրա-

*) Ըսդգծումը մերն է:

բաղաք եկած չըաւոր աղջկայ տառապալից վիճակը («Շատերից մէկը»), որ անաշխատ դրութեան մէջ սովաման է լինում՝ մահը գերադասելով մարմնի վաճառքից, անառակ կեանքից: Մերթ զգացւած նկարագրում է («Յաղթաւածները») այն մեծաքանակ աշխատազուրկերի լրւած վիճակը, որնք վհատւած ու յաղթւած աշխատանքի մրցութեան ասպարիզում, յուսահատ այլիս աշխատանքի աղբիւր գտնելու հետանկարից և սովից ստիպւած՝ «իջել են սրիկաների թագստեան տեղերը, մոռանալով ամօթ, նախատինք, վանելով անը մեռած սրտերից»: Այսինքն աշխատազուրկերը, ըրկւելով նախկին «ազնիւ» աշխատանքի աղբիւրից, մատնուում են «անազնիւ» վաստակի գիրկը: Եւ այն և այն:

Դա մի հարուստ կալէյդոսկոպ է, ուր անդրադասնում են կապիտալիստական շահագործութեան լըքքւած, ճգմած ու սմքած զոհերի խայտաճամուկ պատկերները. դա սօցիալական գժնդակ չարիքի զանազան վայրկեանների բանաստեղծական յուղումնալից նկարագիրն է: Մեր բանաստեղծուհին, ինչպէս տիսնում էր, դուրս է գալիս իր նեղ անհատական մառումների շըշանակից և թեակոխում հասարակական լայն հորիզոնը. նա տիրում է սօցիալական կենդանի բնագիտներին, նրա գրգիռը զարկում է ուժգնորդն, գըրգուում նհարդերը, յուղում, փոթորկում է, մաշւում ու լալիս՝ կապիտալիստական-վարձութանուրական աշխատանքի ներկայացուցիչների տարաբաղդ վիճուկը երգելիս:

Իհարկէ դժւար է պահանջել 22—25 տարհկան (երբ նա լոյս է ընծայել իր երկու պրակիները) երի-

տասարդ բանաստեղծուհուց «Փիլիսոփայական» սառնասրութիւն՝ ըստ «ոչ լսվ ոչ խնդալ այլ հասկանալք սպինօղեան նշանաբանի: Տաքարիւն բօմանուհին հեռու է պրօլետարական զաղափարախօս—բանաստեղծի օրինակտիւ, խորըմրոնող վերաբերմունքից գէպի իր շրջապատի բացասական երեսյթների պատմական անխուսափելիութիւնը: Նա, ընդհակառակը, որպէս մանր—ըստ բժուական զգայուն գեմօկրտատ, իր բարոյական պարաւաներն է ուղղում գէպի «մարդկային քարացած խիղճը», նշաւակում շրջապատի լիու անտարբերութիւնը գէպի տնանկը, խիղճը, հաշմանդամը, աշխատազուրկը, անխոնամ որբը, մուրացիկ աղբատը և այլն: Սակայն մենք մտազիր չենք խստապահանջ լինել Արա-Նեղորից, առաւել, երբ մեր առաջ զրւած քննութեան առարկան ոչ թէ սօցիալ-փիլիսոփայական մի գործ է, այլ աշխատանքի երգչի յուղումների, թրթուն զգացմունքների, նուրբ յոյզերի հաւաքական արտայայտութիւնը:

II.

Երկրորդ պրակի մէջ մեր բանաստեղծուհին հանդէս է գալիս, համեմատաբար, աւելի վարժ տեխնիկայու և հասունացած մտքերով, որպէս հմուտ պօէտ: Նա գարձեալ սկզբում մի ընդհանուր «Salvet»-ի ջերմ գորբուրանքով ողջունում է աշխատանքի զանազան ձեւերի աշխատաւորներին՝ «Ժիր գութանի չարբաշ ներուներին», «Եղոնահանրերում գիշեր յերեկ հազիւ շնչող անխոնջ հսկաներին», «արհեստանոցի խուլ ժըխորի մէջ անընդհատ զործող երկաթէ կրծքերին», «ազնիւ վաստակով տռզորւած» այն բիւրաւորներին,

որոնք «մաշտում են հանգիստ չիմացող անյայտութեան մէջ» և այլն. —

«Ո՞վ աշխատանքի անպարտ հերոսներ,
ես ձեզ եմ երգում, ձեր սերտ միութեամբ
Ընդ միշտ եղէք միծ, կուեցէք քահազաջ—
Կեանքն է շատ կարճ»:

Ահա այդ բոլորին մեր պօտը «սրտով գողդոյշուն օրհնանք և ողջոյն» է առաքում:

Մի տեղ, նոյն «Salvet»-ում, Ազա-Նեկրին ողջունում է նաև «հոյակապ խելքի, մտքի ասպետներին, թշւառ ամբոխի ուղեցոյց աստղերին, որ չարիքի գէմ միշտ կոչ են անում անվերջ մարտ մղելու»: Դրանով, ակներն է, երիտասարդ բանաստեղծուհին ողջունում է աշխատանքի զարգացող սկզբունքը, տեխնիքական միջոցների կատարելագործութեան յարածուն ընթացքը, որով հնարաւոր է դասնում աշխատանքի արդիւնաւէտութեան բարձր աստիճանը: Նա նոյն իսկ, հակառակ իր սովորական փափկազգայունութեան, չի ցաւում լեռնահանքի զոհերի կորուսով, որովհետեւ այդ զոհերի գնով՝

«...ձեղքուած է ու բացւած կուրծքը յամառ լերկ սարի

եւ շոգեկաթսան վազում է միջով յազթական անցքով

եւ արշալոյսին դիմաւորում է ողջագուրտնքով»:

Աշխատանքի երգիչը, ասում ենք, յայտարարում է դրանով աշխատանքի առաջադիմուդ, նւաճողական սկզբունքը. և այդ հանգամանքը ընդհանուր լոյս է սփոսում նրա աշխարհանայեացքի վրայ:

Ազա-Նեկրին երկրորդ պրակում ընտիր բանաստեղծութիւններ շատ ունի, որոնց մէջ առանձնապէս աչքի են ընկնում «Հրդեհ հանքերում», «Բահի երգը»,

«Հողը», «Անմահը» և այլն: «Հրդեհ հանքերում» բանաստեղծունու ամենամեծ և ամենայաջող մտաւոր արտադրութիւնն է՝ զոնէ մեր նիւթի ահսակէտից: Նա սուրբ գծերով մանրամասն նկարագրում է աշխատանքը հանքերում, հրդեհ բռնկւելը և նրա «շառաչող բոցալիքների» այլման ընթացքը, հարիւրաւոր մարդկային դոների կորուստը «խեղզող ծխի հեղեղում» և «կոյտերով սայլերին բարձած» գիակների թաղման գործողութիւնը, ապա պատկերը աշխատաւորների սրբ մասցած զաւակների թշւառ կացութեան, որոնք հաժամանակավ, իրենց հերթին պիտի հետեւն նոյն ճահատագրական կոչման և նրանիք՝

«Գուցէ հնացած խարխոււշ շերտերում

Յանկալի հանգիպին իրենց հայրերին—

Ու իրար տալով հողի կոյտերը,

Ճանաչեն նրանց ու կմախքները»:

Այդ բոլոր շատ լաւ: Բայց ինչ արժէք ունի բանաստեղծի հետեւալ բարոյական ցասկու խրատը՝ նոյն «Հրդեհ հանքերում».

«Ելիք, մեծատուն, ու թող ծուլութիւն,

Մեզկ հաճոյքներգ ու մեռելութիւն,

Ելիք շտապով ու մերկ ճակատով

Խոնարհութիր այս թաց խոնաւ հողերին,

Ընկիք ծնկաչոք ահ ու երկիւղով,

Լիզիք քարերը մոսցուած թումբերին,

Այստեղ հրդեհում հանգամակ դարձած՝

Հացի համար քո եղբայրն է ընկած»:

Սա մանր-բուրժուական լաւատես գիտօկրատի մի բարոյական սրտառուչ կոչ է, որ, անկառակած, չունի ոչ մի հիմք զուտ պրօիտարական գիտօկրատի

աշքում: «Մեծատունները», ասել է կտափիտալիստները, իրենց շահերի համար, հեշտ գնով, միշտ թաղել են և կթաղեն տակաւին բանւորական սերունդներ սառը հողի մէջ՝ քանի իրենք կմնան տէրն ու տնօրէնը բանւորի ճակատագրի, առանց, բնական է, որ և է բարոյական պարտք զգալու «նահատակների» յիշատակի առաջ: Եւ ինքը՝ գիտակից աշխատաւորը, չի էլ ակնկալում ոչ մի գէպքում խնդիրկւելու «մէծատուններից»: Կը կ'ում ենք, խստապահանջ լինել Ադանեգրից՝ նման գաղափարային սպրդումների համար, գըժար է: Այն, ինչ տհատկան խորհրդածութեան մէջ թոյլ, գժոյն, անիմաստ է, - պօչտի գրչի տակ հըղկւում են և այնքան զգալի չեն թւում այդ պակասութիւնները, իսկ երբեմն անգամ որոշ անմիղ թովչութիւն են ստանում:

Հարց է ծագում մըն է, արդեօք, այն սակազն, ազատագրութեան այն հեռանկարը, որ յանձնարարում է մեր հեղինակը իր այնքան սիրած ու երգած աշխատանքի հստարական նկրայացուցչութեան—աշխատաւորութեան: Առհասարակ մըն է Ադանեգրի profession de foi-ն: Ի՞նչ իդէալների պիտի ձգու աշխատաւորութիւնը և ի՞նչ եղանակով:

Այդ հարցը էտպէս բաց է մնում Ադանեգրի մօտ: Նա որոշակի և ուղղակի գրեթէ ոչինչ չի ասում: Իսկ մութ ու անորոշ արտայայտութիւնները՝ բարոյական շաղախով, քիչ բան են ասում մեզ այդ մասին: Ճիշտն ասած, այդ հարցը նրան առանձնապէս, սկզբունքային տեսակէտից, գրեթէ չի դրագիցնում: Նու միայն ոգեորւած արտայայտիչն է աշխատանքային լիանքի կենդանի իրականութեան առանձին բացա-

սական բոպէների. Նա չի հանում իր զատ-զատ նկարագրական գիտողութիւններից մի ընդհանուր համագրութիւն և տեսլագիտական խորութիւն ու հիմնաւորութիւն տալիս նրան (ինարկէ այնքան, որքան հարաբեկ է այդ բանաստեղծական արւեստի շրջանակում): Կամ, եթէ այդ գժւար է սպասել երիտասարդ բանաստեղծուուց, գոնէ չի յարում նա գոյութիւն ունեցող գաղափարային հոսանքներից որ և է մէկի հասկացողութեան: Այդպէս, միուրոյն աշխարհահայեցքի ներկայացուցիչ, որոշ զրօշակի հետևող անկարելի է համարել Ադանեգրիին, որպէս բանաստեղծ-մտածող: Նա սոսկ երգիչ է ընդհանուր աշխատանքի և համայն աշխատաւորութեան վշտի ու տառապանքի. Նա իդէալիստ, առաջադէմ զգայուն դիմօկրատ է բասիս յըստակ նշանակութեամբ:

Տեղանեղ Ադանեգրին հնչեցնում է իր քնարը յոռետեսօրէն, տեղատեղ՝ լաւատեսօրէն. բայց ոչ յոռետեսութիւնը և ոչ լաւատեսութիւնը չեն կազմում աշխատանքի երգչի հոգերանական տարերքը: Լսու իր ընտրած ու երգած նիւթի կամ մօմենտի բնոյթի՝ նա արտայայտում է համապատասխան տրամադրութեամբ: «Ապրել եմ ուզում, յաւիտեան ջահել լինել եմ ուզում,

Ամբողջ աշխարհի բոլոր ծայրերից թռչել եմ ուզում,

Ուզում եմ սիրել, խնդալ, ծիծաղել և հրապոյը ձաշակել կեանքի
Իսկ քեզ, օ, սկ' մահ, ես քեզ ատում եմ:
Ու գոյութիւնդ ահա հերքում եմ:
Երգում է Ադանեգրին «Անմահը» վերնագրով

վերջաբան ոտանաւորի մէջ։ Սակայն այդ խրոխտ ու համարձակ լաւատևութեան հանդէպ մենք կարգում ենք տրամադօրէն հակառակ տողերը, ուր բանաստեղծուհին ոչ թէ կենաւլիր ձգտումներով ապրել և «կեանքի հրապոյրը ճաշակել» է կամենում, այլ կոչում է «Փոթորիկներ»-ի մէջ։

«Օ՛, սպիներ, չար սպիներ,

Աղաչում եմ ու խնդրում,

ինձ էլ տարէք դէպի եթեր

Զեր սրարշաւ թերում։

Տարէք՝ սահեմ, ինչպէս գետը,

Մաղկից պոկուած թերթերը.

Տարէք մինչ որ անհետանամ

Ու ինձ կուլ տայ եթերը…

Իսկ «Մտորմունք»-ի մէջ նա մի այլ անձկութիւն է յայտարարում։

«Մինչդեռ այս մեղկ, ստոր վայրում սուրբ երկնքին մենք կարօտ,

Բարձր սիրոյ, զի՞ զգացմանց կմնանք միշտ անձանօթ։

Ո՛չ դէպ ձիւնեայ գագաթները եկ միասին սըլանք,

Կեանքի և մեր սիրոյ ոյժը այնուեղ միայն կիմանանք։

Իր կեանքի գաղափարակից ընկերոջ հետ միասին աշխարհի ցաւն ու կսկիծը տանելու և ամբոխին զոհւելու պատրաստակամութիւն ունեցող պօէտը («Նոր սէր»-ի մէջ), այժմ սնձկութիւն է զգում «մեղկ ու ստոր վայրում», ուզում է «ալանալ» դէպի վեր՝ «ձիւնեայ գագաթները» կամ «կուլ գնալ եթերում», Յոռետեսական-լաւատեսական նման հակաղրութիւն-

ներ յաճախ են պատահում Աղա-Նեկրիի պրակներում (տես իմիջի այլոց՝ «Հրդեհ հանքերում», «Մինչեւ մահ և յետոյ», «Ուրուկաններ» և այլն), որոնց բընոյթագծով մանրամասն զբագւելը գրւածքիս մէջ, մեր գործը չէ։

Մենք հարցըինք, ի՞նչ եղանակով պիտի առաջ ձգտեն երգչի սիրած ու վայփայած աշխատանքի ներկայացուցիչները դէպի իրենց իրէալը, իդէալ, որի մասին պարզ ու որոշակի չէ արտայայտում երբէք մեր պօէտը։ Այդ հարցին մենք մի քանի պատասխաններ ենք ստանում։

«Սպիտակ դրոշ*») նշան անարին վեհ յաղթանակի**):

Սիրոյ թես ելած՝ չարիքն ու սխը պիտի խորտակի»։

(«Բահի երգը»):

Մի այլ տեղ կարգում ենք՝

«Եւ նորից ճնշւած, նետւելով գիրկը յուս սահատութեան՝

Մտածում եմ ես՝ կտեսնեմ արդիօք նորից մի անդամ

Աղատ արել ինձ վայփայելիս, և թւում է թէ Վերջապէս մի օր վրկարար ողին քանականութեան***):

Պիտի վերջ դնի մարդկանց կրկնող հառաչանք ներին—

Բնդ միշտ յաւիտեան»։

(«Բաջալերուած ընութիւն»):

Ուշագլութեան արժանի են աշխատանքի երգչի

*.) Խաղաղութեան խորհրդանշան։

**) Ընդգծումը մերն է։

***) Ընդգծումը մերն է։

վերոյիշեալ ընդգծած խօսքերը։ Որպէս չափաւոր օրինական գեմօլրատ՝ կուզենար նա «վեհ յաղթանակ», բայց «անարիւն» ճանապարհով, «սպիտակ գրոշի» ուղեկցութեամբ, խաղաղ ջանքերի գնով, կամ, պարլաժենտական բառով արտայայտած՝ բարենորոգութեարի միջոցով, առանց յուրաքած, փոթորկաւից, արիւնաներկ գործութիւնների Միք պօէչար կուլինար, որ մի գեղեցիկ օր «բանականութեան փրկարար ոգին» վերջ տար մարդկանց բիւրաւոր հառաջանքներին ընդդ միջտյալիտեան», ասել է, ուրիշ խօսքով, սօցիալական կուռ հանդոյցը լուծեւը մարդկային բանականութեան թելալրանըով. հետևապէս՝ դարձեալ խողադ, անարիւն եղանակով, այսպէս ասած՝ «էվոլյուցիօնաբար», առանց «թռիչքների»։ Այդպէս է, սովորաբար, իրերի ընթացքը՝ ըստ չափաւոր բիւրգերների օրինական մտածողութեան։

Պարզ է, որ այս և նման «բանաստեղծական խոնըրը» բնորոշիչ կնիք են գրօշմում Աղա-Նեղրիի ընդհանուր աշխարհաճայիցքի վրայ։ Նա՝ իր սօցիալ-քաղաքական հայեացքներով,—որքան վերջինս նկատել կարելի է նրա անուղղակի արտայայտութիւններից,—մեղմ, քնչքալար իրէալիստ է, դիւրազգաց գեմօլրատ, և գրկարաց հիւրընկալում է աշխատանքի անխտիր բուռն գոհերէ մերան ու տառապանքը, հակէճն ու չառաջանքը և այդ ամենուց հետու սոտաճմին նրանու։ Փափագում է համայն աշխատաւորութեան փրկւած, բարեբաստիկ վիճակը։ Բայց բնչունոյ բնչ բնաստով ու ճնաւորութեամբը դա պարզ չէ մեր պօէտի համար։ Ազանեներն առգործած չէ համայն աշխատաւորութեան յայտնի խաւի—բանորութեան—հասարակական բուռնով։ այս է պատճառը, որ նրան անմատչելի է պրո-

լետարիատի պատմական գոյութեան իրական պայմանների ծոցից բղխած ազատագրութեան միջոցը—մարտական ուղին։

Զենք ուրանում, կան աշխատանքի երգչի մօտ երսխատ, համարձակ կտորներ։

ԱՅՆ այսաբում է կետնքի պայքարից, թաղ անհետանայ

Անյայտութեան մէջ, թաղ վախկուներին աանի ու խեղդի

Պղտոր ալիքը հակայ կետայի, նա, ով վախում է Ու յետ է կանչում, ով որ շրջում է որպէս ուրական,

Ով որ կանգնած երկնակամարի ու երկրի միջև Որպէս տատանւող, երերուն ստուեր, թաղ անհետանայ

Կորչի յաւիտեան։

Բայց մենք քաջերս, որ հաւատ ունինք մեր կրծքում պահած,

Մենք առաջ կերթանք, բաջամարտ, ազատ, ուժեղ շարքերով... («Անմահը»)։

Այսիդ գրեթէ մարատհրաւէրի շեշտեր են հընտառմ։ Բայց մերան զբեթէ, այդքան, ուստան յանուն է մանրութիւնների անունը պատճեն կամ մասնաւուն գոհմնիրատին։ Եամաքերի անվիճեր իրականութիւնը չէ՝ համոզած ու զբանակից պրոբատաբահան յեղափոխահան գերակատէ։ Որ դասակարգային կուի է կոչում ընդդէմ տիրող հասարակակարգ։


Թողնանք առայժմ Աղա-Նեղրիին և անցնենք միւս բանաստեղծներին։

III.

Եթէ Աղա-Նեգրին երգում է աշխատանքի գաղափարը՝ իր նկարագրական մեղմ ու քնքշալար, երբեմըն զգայական ոճով, ապա Յ. Յակոբեանը երգում է աշխատաւորի գաղափարը՝ իր գլխաւորապէս ազիտացիական ոճով, իսկ Շ. Կուրդինեանը երգում է աշխատաւորի-պայտագրի գաղափարը՝ գերազանցապէս իր մարտական-իիջակի ոճով: Դերջին երկուսը այլ գէմքեր են, քան առաջինը: Առաջնին զբաղեցնում է ինքը աշխատանքը, որպէս արհեստական—մէքենայական գործողութիւն, և այդ գործողութեան զանազանակիրպ ձեերը, աշխատանքային ծանր պայմանները, սրանց ստեղծած բացասական կողմէրը՝ իրենց գժնդակ, ողբերգական հատեանքներով: Վերջին երկուսի բանաստեղծական օրինեկով, ընդհակառակը, կազմում է ոչ թէ աշխատանքը, այլ առաւելապէս աշխատանքի ներկայացուցիչը՝ աշխատաւորը, աշխատաւորը, որպէս սօցիալական ձգութեան ու պարտականութիւններով ծանրաբենուած գիտակից քաղաքացի, որպէս ազատուգրական գաղափարին, դասակարգային պայքարին նըւիրւած մարտիկ:


Նշանակում է, Յակոբեան և Կուրդինեան՝ իրենց ընտրած օրինեկուներով և իդէական արտացոլումներով, մի քայլ առաջ հն Աղա-Նեգրիից: Սակայն այդ քայլը ոչ թէ օրգանական շարունակութիւնն է առաջին քայլը—աշխատանքի գաղափարի—, այլ անկախ այդ առաջին քայլից: Նրանց մօտ բացակայում է առաջին քայլը այնքան, որքան Աղա-Նեգրիի մօտ բացակայում է աշխատաւորի գաղափարը—երկրորդ քայլը:

տանքի երգիչ, ապա հետեւղականօրէն Յակոբեանին և Կուրդինեանին կարելի է անւանել աշխատաւորի, աւելի ճիշտ՝ պրօլետարիատի երգիշներ: Եւ պատահական չէ այդ զուգագիպութիւնը: Դրանց երկուսի բանաստեղծական հիւսւածքը՝ ստեղծագործած վերջին 2—3 տարւայ ընթացքում, կրում է իր վրայ սօցիալ-բաղաբական հարազատ կնիքը այն պատմական երկունքային վայրկեանների, որ մեր երկրի ազգաբնակութիւնը ապրել ու վերապրել է: Եւ հասարակական այն խուը, որին պատմական անհրաժեշտութեամբ ամենամեծ և ամենաածանը բաժինն է ընկել մեր երկրի ազատագրական շարժման, իր քաղաքական էութեամբ նիւթ է մատակարարել մեր բանաստեղծ երգիչների մուսային:



Ինչպէս են կատարել իրական վայրկեանների այդ բանաստեղծական արտացոլումները, տեսնենք առանձին-առանձին:

Յ. Յակոբեանը նոր դրող չէ մեր բանաստեղծական գրականութեան մէջ: Իր առաջին ժողովածւի մէջ՝ հրատարակւած 1899 թ., նա ունի ստանաւորներ 90 թւուկանից: Այնուհետեւ 1903—04 թ. նա թարգմանել է լոյս է ընծայել Աղա-Նեգրիի բանաստեղծութիւնների երկու պրակները: Իսկ 1906 թ. նա հրատարակել է իր ստանաւորների երկրորդ ժողովածւը՝ «Աշխատանքի երգեր» վերնագրով: Մեր բնարանի տեսակետից աշագը առնացութիւն առնել Յակոբեանի առաջին ժողովածւն չենք կարող, որովհետեւ այնտեղ աշխատանքի և աշխատաւորի գաղափարի հետքն անդամ չկայանական տիբապիւուղ ազդութիւնը հայրենիքի գաղափարն է (տես օրինակ՝ «Են երգեցի», «Պատուկելըները», «Գաղթականները» և այլ բանաստեղծութիւնները),



որի տեսակէտից Յակոբեանը արգէն այլ բանաստեղծների շարքին է պատկանում: Առհասարակ հասարակական-զաղափարային դաւանանքի տեսակէտից գոյութիւն չունի որ և է առընչութիւն Յակոբեանի առաջին և երկրորդ ժողովածուների մէջ, առաջնի մէջ նաև անդէս է գալիս իրեւ նացիօնալիստ պօէտ, երկրորդի մէջ որպէս պրօլետարիատի երգիչ:

Առաջին խօսքը, որ մենք պիտի ասենք Յակոբեանի երկրորդ ժողովածւի կամ «Աշխատանքի երգեր»-ի մասին, դա այն ցաւն է, որ Ադա-Նեգրիի թարգմանիչը քիչ շատ քիչ է ազգւել իր վարպետից: Եթէ մի գրական գէմք, — մտնաւանդ բելեարիստիկայի սահմանում՝ հսանքների և ուղղութիւնների այդ կենդանի բովում, — ինքնին չէ ներկայացնում իր սահմանում մի ինքնուրոյն մեծութիւն, զրականական մի առանցք, ցանկալի և յանձնաբարելի է նրա խելացիօրէն ազգւելը ինքնուրոյն մեծութիւններից: Որքան էլ Ադա-Նեգրին իր ստեղծագործական տաղանդով տեղ չունենայ երօպական առաջնակարգ քերթողների շարքում, այնուամենայնիւ փաստ է, որ նա իր առաջնորդող տրամադրութեամբ մի ժամանակակից ու թարմ ինքնուրոյնութիւն է ներկայացնում երօպական բանաստեղծական գրականութեան մէջ: Եւ եթէ նայ թարգմանիչը լաւ ուսումնասիրած և ճետեղականորէն ազգւած լինէր Ադա-Նեգրիի ստեղծագործութեան զրական կողմներից, — որոնց հիմ մենք ծանօթացանք, — այն ժամանակ յանձնին «Աշխատանքի երգեր»-ի մենք իսկապէս կունենայինք աշխատանքի երգեր:

Եւ իրաւ, եթէ դուքս հանհնք Յակոբեանի երկրորդ ժողովածւից ն. Ն.-ի «Բանտրների երգը» և

Ադա-Նեգրիի՝ «Հրդեհ հանգերում», «Բահի երգը», «Հողը»*) և «Աշխատանքի ես դու» իսկապէս աշխատանքի երգերը, այն ժամանակ «Աշխատանքի երգեր» գրքոյկը ոչ մի գէպը ում իրաւունք չի ունենայ այդ անունը կրելու, որովհետեւ Յակոբեանի սիփական բանաստեղծութիւնները աւելի շուտ աշխատաւորի, բան աշխատանքի երգեր են: Ի՞նչ ասել կուզի, որ մեր գիտողութիւնների մէջ գործ կունենանք բացառապէս Յակոբեանի սիփական գրածների հետ: Ադա-Նեգրիից և Ն. Ն.-ից թարգմանւածները մեզ չին հետաքրքում ներկայ գէպքում՝ Յակոբեանի ժողովածւի մէջ:

Գրքոյկի ասացին իսկ մասում հեղինակը որոշում է իր՝ այսպէս ասած, բանաստեղծական թափառութեարի վայրը, իր որոնման տեղը, որից, մօտաւորապէս, երեսում է մեր պօէտի լնդհանուր տեհչանքների ուղղութիւնը: «Ամբովն իմ աշխարքը» ըստինքեան բընորոշիչ ուսանաւորի մէջ կարգում ենք՝

«Որքան էլ ուզիմ ձգտել գէպի ձեզ,
Վեհապանծ սարեր,

Ու փարւել մաքուր ձեր ձիւնեայ կրծքին,

ելի չեմ կարող, կուսական լեռներ,
Երկիրը թողնել,

Որ խարխափում է կեզտ ու մուրի մէջ,
Տառապում անվերջ.

Եւ ես կարիքի աշխարքն եմ վնարում—
Ճնշւած ու լքւած,

*) Ի գէպ նկատենք, որ «Հողը» բանաստեղծութեան տակ չէ յիշւած հեղինակի՝ Ադա-Նեգրիի անունը. կարծում ենք, որ զա թիւրիմացութեան արդիւնք է, բաց է թողնւած սիրածամբ:

Աւը վիշտն ու զրկանքը իրար հետ գրկւած՝

Մի ելք են փնտրում:

Նոյն միտքը էսալէս կրկնուում է՝ տարբեր ելևէջ-ներով, նոյն ոտանաւորի մէջ մի քանի անգամ: Այդ տողերից պարզ երևում է, թէ ուր է որոնում բանաստեղծը իր հանգիստն ու յենակէտը: Այդ միտքը մեզ յիշեցնում է համարատասխան կէտերը Ադանեգրիի մօտ:

Յակորեանը հետեւում է Ադանեգրիի գրական, լաւատեստկան կողմերին և ընդհանրապէս տրամադրութիւն չունի բօմանտիքական յոյզերով վեր-վեր սլանալ գէպի ամպամած եթերը, վերամբարձ լիռների գագաթները: Ադանեգրիի ժամանակաւոր-պատահական յոռհոտեսութիւնից չկան տարբեր Յակորեանի բանաստեղծական խառնուրդի մէջ: Սակայն ինչնու, չըգիտենք, մեր պօէտը սրտի պապակումով պահ մի երանի է տալիս բօմանտիքական վերասլացումներին՝

«Օ՛, ինչպէս քաղցը է երկինք վերանալ,
Վիշտ, հսկո մոռանալ,

Լոյսի փայլի մէջ լողալ, սաւառնել,

Աստղերին զրկել»...

Երգում է հա, «բայց անողոք իրականութեան ու ուրուականը» հրամայում է՝

«-ի ջիր երազոտ երկնային գահից

Կեանքին մօտնալու,

Նրան պարտք ունիս, հարկ ունիս տալու»:

Վերին ու ստորին տողերը անախորժ աններդաշնակութիւն են մտցնում մեր հեղինակի սկզբնական գնական յայտարարութեան մէջ: Մի կողմից անվըճուականութեան շեշտեր են պարունակում առաջին տո-

ղերը, որ բաւական տարօրինակ է լսել մի պրօլետարական երգչից: միւս կողմից բարոյափիլիսոփայական հասկացողութեան սաղմեր են նկատում վերջին տողերի մէջ: Իրական կհանգին մօտենալը և իրական գործունէութեամբ մասնակցելը նրա ընթացքին՝ պարտականութիւնից զրգւոծ, «պարտք ու հարկ» է համարւում մեր հեղինակի կողմից: Դա արդէն մի թիւր հասկացողութիւն է, էլ աւելի տարօրինակ պրօլետարիատիւնից չէ: Յակորեանի զաղափարային նման թիւրիմացութիւնների մասին կիսունք ստորի, այլ կապակցութեան մէջ:

Անցնենք ժողովածւի միւս մասերին:

Քրքրեցէք 64 երեսանոց ողջ գրքոյցը և չէք գտնի ոտանաւորներ, որոնք ջշափէին աշխատանքի խնդիրը, պտտէին աշխատանքի դադափարի շուրջը. չկան բանաստեղծութիւններ, ուր հեղինակը վերցնէր բանւոր անհատին կամ բանւորական խմբակին՝ արհեստային կամ գործարանային որ և է միւզի մէջ, և երգէր աշխատանքային բուն վայրկանները, նկարագրէր ֆիզիքական ոյժի վատնման այն ոլրօցեաը, երբ ոյժը կենդանի անհատից հաղորդւում է բնութեան անշունչ առարկաներին, արդիւնաբերական գործիքներին: Մինչդեռ որբան գեղեցիկ օրինակներ կան այդ տեսակէտից Ադանեգրիի պարակների մէջ:

Յակորեանը ունի մի ոտանաւոր «Կըտէնի» վերնագրով, ուր նկարագրում է նա Սանդրուխտ նանի հաց թիւելու և նրա ամուսնու շուկայից ալիւր բերելու պրօցեդուրան:

Տընքալնքալով ծերուկ ապին

Քնատեղից վեր է կենում,

Ալրի տոպակ կըռան տակին

Դէպի շուկան է նա զնում.

Նանը շտապ կապն է բացում,
Ալիւրն ածում մէծ տաշտի մէջ,
Տըխտըմորում, խըմոր հունցում,
Պիւրեր անում, շարում անվիրջ»:
Եւ այլն:

Աշխատանք է այս.—անկասկած: Սակայն դա աշխատանք է իր սոսկ անային—նահատպետական իմաստով, աղքագրական բնոյթով: Դա աշխատանք չէ երբէք իր սօցիալական բնոյթով, իր ժամանակակից հասարակական-անհրաժեշտ բովանդակութեամբ, որի մասին խօսում ենք այստեղ: Եւ այդպիսի բանաստեղծութիւնը աւելի շուտ սապական է հրատարակել «Աղքագրական Հանդէս»-ի մէջ, բայ պրօլետարիատի երգչի «Աշխատանքի երգեր»-ի մէջ: Այս բացասական դիտողութիւնը ինքնին ստուբ չէ ձգում վերոյիշեալ սոսանաւորի վրայ, որպէս այդպիսին: Նո իր տեսակում գեղեցիկ է և Յակոբեանի յաջող բանաստեղծութիւններից մէկը: Խօսքս վերաբերում է միայն նրա արտայայտած աշխատանքի գաղափարային բնոյթին:

Մի հատիկ ոտանաւոր միայն գտանք Յակոբեանի մօտ, ուր համառօտօքն նկարագրում է կաթսավար բանւորի աշխատանքի պրօցեսը: Մի նմուշ նրանից՝

«Վիթխարի գաղան ննոցի առաջ

Բոց ու կրակի տապից թառամած՝

Մեր կաթսավարը նսկում է նորան

Ուշըն ու միտքը ջրչափին յառած:

Ամառ ու ձմեռ նա զովի կարօտ—

Քրթինքն է ծորում դալաւկ ճակատից,

Որ ակոսելով երեսը մրոս,

Սև հացի գին է պահանջում բաղդից»:

(«Կաթսավար»):

Աշխատանքային կեանքի նման նմուշներ չէք դանի այլև «Աշխատանքի երգեր» կոչող ժողովածու մէջ: Մեր հեղինակը հանդէս է դալիս արգէն աշխատաւոր-պրօլետարի երգչի դիրում իր ադիտացիական, անգամ ծրագրային քարոզներով: «Պրօլետարներ ողջ աշխարհի, ոտքի ելէք միացէք»—կոչում է մեր պօէտը շեշտակի:

Եւ ճիշտ այն ժամանակ՝ 1905—06 թ., երբ հրապարական ուժիով բռնկումներով արթնացած աշխատաւորութիւնը ազմկում էր օրինական քաղաքացիութեան աւանդական հանդիստն ու անտարբերականութիւնը, երբ նրա առաւել գիտակից շարքերը հաւաքան պահանջների բռնու ցայտումներով հնչեցնում էին իրենց գաղափարային նշանաբանները,—մեր բանաստեղծը ընդպառաջելով շուրջը վիխտող երեսյթներին, արձագանքում էր՝

«Գարնան անդրանիկ մեր այս տօն օրին Պահ մի մոռանանք վիշտը բանւորին:

Մեր ցաւ ու հոգսեր սար ու ձորին ատնք, Աղմատ երգերով գովինը աշխատանք:

Եւ թնդ խլանայ ձայնը բանւութեան— Աղմուկ չլսւի գործարաններից,

Այսօր մեր տօնն է վեհ գիտակցութեան Թող պայթի աղան յամառ գայրոյթից»:

(«Մայիսի մէկը»):

Եւ այնուհետև՝

«Օդ ենք ուզում, կարմիր արև,

Ծաղիկ, աղբիոր անուշանամ,

Աղատ, վստահ եկէք յայտնինք՝

Պահանջում ենք միայն ութ ժամ»:

(«Ութ ժամ»):

Ակներե է, որ մեր պօէտը գիտակից բանւորութեան կուսակցական-ծրագրային կէտերը բանաստեղծական ագիտացիայի նիւթ է դարձրել: Նա երգում է մարտնչող բանակի գասակարգային իղձերը, արտայայտութիւն տալիս նրա քաղաքական ձգտումներին՝ բանաստեղծական ձևերով: Համեմատաբար թոյլ շեշտերով և մութ նկրտումներով է երգում նա նաւութահանքոյին բանւորի («Երկու ախոյիան») և դարբին աշխատաւորի («Դարբնի երգ») վիճակը:

Սակայն իբրև պրօլետարիատի երգիչ, Յակոբեանը չի մոռանում իր հերթին բանաստեղծական խայթող նիզակ ուղղելու նաև բանւորութեան ծայրագոյն հակառակորդի հասցէին:

«Այդպէս օրերը սահում են արագ
Եւ գուք գեռ թաղուած ճահիճի տիղմում,
Սողում էք, որպէս ճիճուներ անարգ
Մոլի կրքերը չէք էլ մեղմում:

Սերունդ մեղսալի, սերունդ ճահճային,
Դուք ի՞նչ պատասխան պիտի տաք մի օր
Լաւ ապագային»:

(«Բուրժուաներին»):

Ցիշում է երկի ընթերցողը, երբ մենք Աղա-Նեղըից առաջ բերանք բարոյական ցասման արտայայտութեան նման նմուշներ, նկատեցինք, որ դա մանր-բուրժուական գիւրազգաց գեմօկրատի բարոյական պարսաւանք է, ոչ աւելին. բայց աւելացրինք միաժամանակ, որ դէպի Աղա-Նեղըին խստապահանջ լինել այդ հողի վրայ դժւար է, ինկատի ունենալով նրա հայեացքների չափաւոր, սոսկ գեմօկրատիկ ուղղութիւնը: Սակայն պրօլետարիատի երգիչ Յակոբեանի

վերաբերմամբ ներողամիտ լինել նոյն չափով, անկարելի է: Աններելի է, երբ պրօլետարիատի բանաստեղծ—գաղափարութուր իրերի օրինկախ ընթացքին նայում ու դատում է մանր-բուրժուական բարոյագիւտութեան ակնոցներով: «Ճիճուներ անարգ», «սերունդ մեղսալի, սերունդ ճահճային»—միանգամայն անիմաստ գարձւածքներ են, եթէ աւելին չասենք: Եւ հաւատացած ենք, որ Յակոբեանը իր բանաւոր թէ գրաւոր խորհրդածութիւնների մէջ կզօտշանայ այդպիսի սայթաբումներից, կիսուսափէ նման բարոյական մակդիրներով որակելու մի գասակարգի, որի պատմաւառնտեսական էութիւնն ու հասարակական —ըաղաքական գերբ՝ պրօլետարիատի դասակարգային իգէօլօգիայի տևակէտից, երբէք «մեղսալի» կամ «անարգ» չէ, այլ նոյնքան բնական ու հասկանալի է, որքան և պրօլետարիատինը:

Եթէ գեղեցիկ արւեստը—և գրա շարքում յատկէս բանաստեղծութիւնը—ուզում է բարձր լինել միակերպ զեղեցկանիւր բառազարդութեան մակարդակից և որազ ուղղութեամբ, գաղափարների իմաստալից զուգորդութեամբ ազգեցութիւն ունենալ ընթերցող հասարակութեան վրայ, նա պէտք է ճշգրիտ հայեացքների թարգման հանդիսանայ, ունենայ գաղափարային որոշ պարունակութիւնն ու խորութիւնն համապատասխան երեւոյթների իրական ըմբռնման և անաշառ գնահատման: Յակոբեանը, իբրև աշխատաւոր պրօլետարի երգիչ, պէտք է խուսափէ մանր-բուրժուական բարոյականութեան գիւրազգաց գլւանքներից և խօսէ աշխատաւորի սրաի ու մաքի հետ այնպիսի լեզուվ, որ ոչ միայն չափասէ իր տեսական աշխար-

հաճայեացքին, այլև նրան համապատասխանելով հաճ-
գերձ, զայ լրացնելու նրա արտայայտութեան օժան-
դակ միջոցները: Մաքերն ու զգացմունքները՝ արտա-
յայտած բանաստեղծորէն, չպէտք է՝ իրենց սկզբուն-
քային իմաստով, այլ բան ասեն բանւորին, քան այն,
ինչ ասում են նրան գիտական շարադրութիւնները.
պէտք է այդ միջոցներից մէկը միւսին անհրաժեշտ
կօրելատ ծառայէ, և նրանց տարբերութիւնը կայանայ,
գլխաւորապէս, արտայայտութեան եղանակի մէջ:

IV.

Յ. Կուրղինեանը հայ բանաստեղծական գրակա-
նութեան նորագոյն ներկայացուցիչներից մէկն է հա-
մարում: Եւ այն համակրանքն ու ընկունելութիւնը,
որ նա ընդամէնը երկու տարւայ ընթացքում գտաւ
ընթերցողների շրջանում, այնքան հմայիչ է, որ հայ-
կական մուսայի ներկայացուցիչներից շատերը կարող
են նախանձել, չնայելով որ վերջիններս տասնեակ
տարիներ շարունակ պատոյտ են գալիս Արարատեան
դաշտի հայաբնակ որրանում կամ հայկական լրագրու-
թեան կենտրոնում: *)

Երիտասարդ բանաստեղծուհին հրատարակել է
իր երկի առաջին պրակը՝ «Արշալոյսի զօղանցներ»
վերնագրով,—ժողովածու նրա մինչ այժմ զատողատ

*) Մի հարկանցի տեխնիքական նկատողութիւն: Լեզւի
այն փարթամ հարստութիւնը, արտայայտութիւնների նըբու-
թիւնները և գարժ, արագ տեխնիկան, որոնք, մեր կարծիքով,
այնքան սովորական են Կուրղինեանի համար, դժւար է նոյն չափով
ու որակով գտնել անդամ մեր հոչակւած և ամենայայտնի համա-
րած բանաստեղծների մօտ:

Հրատարակւած բանաստեղծութիւնների: Վերնագիրը
մաթեմատիկական ճշտութեամբ համապատասխանում
է ժողովածուի գաղափարացին պարունակութեան, որով
առաջնորդւում է պօէտը, այն տրամադրութեան, որ
տիրապետում է նրա մուսային և կարմիր թելի նման
անցնում նրա լաւագոյն հիւսւածքների միջով:

Մեր գեղեցիկ գրականութեան՝ և յատկապէս նը-
րա բանաստեղծական բաժնի մէջ, վերջին տարիներու
հազիւ կարելի լինի մատնացուցել մի երկի վրայ, որը
այնքան ուժեղ զգացմունքներով, խիզախ ու հատու
արտայայտութիւններով, ներքին վերապրումներով և
մարտական ոճով շարժել կարողանայ մեր երկրի ար-
թնացող քաղաքացու սրտի թելերը, որքան «Արշա-
լոյսի զօղանցներ»-ը: Այդ «զօղանցների» մէջ կան շատ
ընտիր լարեր ու հաչիւններ, որոնք այնքան փառահե-
զորէն աւետում են մեր երկրի հասարակական վիթ-
խարի կազմւածքի քաղաքական երկունքի արջալոյսը:
Դրա մէջ է կայանում մեր բանաստեղծունու գեղեցիկ
հիւսւածքի գերագոյն արժէքը. դրա մէջ է կայանում
նրա ունեցած անսովոր ընդունելութիւնն ու համա-
կրանքի գաղտնիքը այնքան կարճ ժամանակամի-
ջոցում:

Ոմանք կուրղինեանին համարում են հայկական
Սղանեգրին: Այդ կարծիքը ունի իր իրաւացի հիմքը,
բայց միայն մասամբ և արտաքին հայեացքից: Երկու-
սըն էլ կին սեռի ներկայացուցիչներ են, երկուսն էլ
իրենց leitmotiv-ով պտոյտ են գալիս մարդկային հա-
սարակութեան միկնոյն խաւի սօցիալական մթնոլոր-
դում: Սակայն իդէօլօգիական յօրինւածքով—նրանք
էապէս տարբեր են: Նրանք վերարտադրում են միեւ-

նոյն դասակարգի կենցաղի, զբաղմունքի, զգացմունքի և մտածմունքի տարրեր շրջանները: Մենք ճանաչեցինք արդէն Աղա-Նեգրիին, իբրև սոսկ աշխատանքի երգիչ: Մինչդեռ Կուրղինեանին չեն զբաղեցնում պրօլետարի աշխատանքային վայրկեանները,—և այդ հանգամանքը կազմում է նրա զգալի թիրութիւններից մէկը: Սակայն զբա փոխարէն մեր երիտասարդ բանաստեղծուհին մէկն է աշխատաւորապրօլետարի առաջնակարգ երգիչներից: մի արժանաւորութիւն, որից համարեա զուրկ է Աղա-Նեգրին և որին նոյն չափով ու որակով չի տիրում Յակոբեանը, ինչպէս Կուրղինեանը:

Ե. Կուրղինեանը կազմակերպւած, գիտակից ու մարտնչող պրօլետարիատի հետևողական երգիչն է. Նրա գաղաքական տեխնիզմների, ազատագրական յուսավառ ձգտումների արտայայտիչն ու արձագանքողը: Նա իր տպաւորութիւնները ստանում է բանւորութեան մէջավայրից, բանաստեղծում է պրօլետարի խըմորւած հոգիկանը, երգում է նրա ազատամարտի և հերոսական գործադրութիւնների վսիմ արտայայտութիւնները: Դրանցով է բնորոշւում՝ ըստ «Արշալոյի դօլանջներ»-ի leitmotiv-ի, Կուրղինեանի դիրքն ու դերը միը բանաստեղծական գրականութեան մէջ:

Ո՞ւր է որոնում մեր պօէտը իր գաղափարային թափառումների յենման կէաը, իր յոյզերի ու տեխնիզմների արտայայտութեան և կիրառման հանգստարանը. սկսէնք այդտեղից.

«Ինձ մի սիրեր՝ որպէս գարնան

Բողբոջ ծաղկին քնքշօրէն.

Կամ տաքարիւն քո առնական

Վառ հեշտանքով կուրօրէն:
Թող որ քեզ հետ ևս համարձակ
Ծեմ թոյնը՝ տանջանքի.
Լինեմ ազատ, խօսեմ՝ արձակ,
Զգտեմ լոյսին՝ փրկանքի:
Եւ ամենքի վշտին մօտիկ
Մտնեմ մին մեծ խաչի տակ,
Որ տանում են ըմբսոտ մարդիկ
Դէպ ընդհանուր նպատակ»:
Եւ այն:

(«Ինձ մի սիրեր»):

Նոյն ձգտումը՝ այլ կապակցութեան մէջ և աւելի ուժեղ շեշտերով, կրկնուում է «Կը հիւսեմ երգեր» և «Տա՛ր ինձ, մեծ հոսանք» բանաստեղծութիւնների մէջ: Ընթերցողը յիշում է, անշուշտ, էապէս նոյն եղանակը Աղա-Նեգրիի «Աշխատե՞լ ես դու» ոտանաւորի մէջ: Սակայն, մինչդեռ Աղա-Նեգրին՝ հաւատարիմ իր ընդհանուր ուղղութեան, հետևողականորէն Փիզիքական աշխատանքի յատկանիշներ և հակումներ է որոնում իր սէրը հայցող անհատի արտաքինի և հոգեկանի մէջ,—Կուրղինեանը, ընդհակառակը, իր հերթին՝ դարձեալ հաւատարիմ իր առաջնորդող եղանակին, հետևողականորէն որոնում է իր սէրը հայցող անհատի մէջ գաղափարային դաշնակցութիւն և ոչ սիրային մեղմեղութիւններ. փափազում է մտնել «մեծ խաչի տակ» և «ըմբսոտ մարդկանց» հետ նւիրւել «ընդհանուր նպատակին»: Սակայն, բացի այդ տրամադրութիւնից, այդտեղ հնչում է մի այլ եղանակ ևս: Դա կանանց ազատագրական շարժման—ճորտացած կին սեռի պատմա-քաղաքական ազատագրման—եղանակն

է, որով տոգորւած, կինը կոչում է տղամարդուն՝ «Թող որ քեզ հետ ես համարձակ ծծեմ թոյնը տան-ջանքի. լինեմ ազատ, խօսեմ՝ արձակ» և այլն։ Մի այլ տեղ՝ «Ա՛նք էլ միանա՞նք» գեղեցիկ բանաստեղծութեան մէջ, ժողովրդական բարբառով, կուրզինեանը արտայայտութիւն է տալիս ճնշւած կնոջ արթնացած ձայնին.

«Ա՛րի, քուրիկ ջմն, մենք էլ միանանք,
ին մենծ, սուրբ կոռուին էղնինք մասնակից.

Հերիք շղթայուած ու դերի մնանք
Դուման մտքերով, շշմած զրկանքից։

Թող էն բախտաւոր մեր տղայ-մարդիկ
Շատ չհպըրտնան, որ առաջ անցան,
Էնոնք առանց մեզ, հաւատա, քուրիկ,
Թեղ տեղ չեն համնի—կ'ընկնին ցիրուցան»...

Եւ այլն։

Բարբառով աշխատաւորունին-բանւորունին է. ասել է՝ «Հիւրգերական կանանց, այլ պրօլետարական կանանց ներկայացուցիչը»։ Բուրժուական պարլամենտի կարկատան բարենորոգումներով չէ, որ պիտի լուծեի կին սեփի կմնուոտ հարցը, այլ վերջնիս ճակատագիրը անմիջապէս կախւած է ընդհանուր հասրակական հարցի լուծումից. այդ է պատճառը, որ մեր պօէտի ազատագիր կինը մարտական տոնով շեշտում է՝ «Ա՛րի, քուրիկ ջմն, մենք էլ միանանք, ին մենծ, սուրբ կոռուին էղնինք մասնակից...», — որպէսզի կին սեռը իր բաժին մասնակցութիւնն ունենայ սօցիալական հարցի լուծման նիրւած դաստկարգային «սուրբ կոռի» ասպարիզում։ Որ պրօլետարիատի երգիւ պէտք է ուշի ուշով արձագանք տայ և ճնշւած

սեռի ազատագրական տեսչանքներին, դա ըստինքեան հասկանալի է և պէտք է միայն սպասել, որ Շ. Կուրզինեանը նոյն ուղղութեամբ յաճախ կերպէ, ասելով մեզ աւելին, քան ասել է:

Եթէ պրօլետարիատի երգիչը, ինչպէս սասցինք, չէ տալիս մեզ գաղափար աշտատանքի մասին, ապա կրկնակի յաջողութեամբ բանաստեղծում է նա աշխատաւորի գաղափարը։ Այն, ինչ նա հաղորդում է ընթերցողների սրախն ու մտքին՝ «Բանուորըները», «Բանուորի երգը», «Հանգցըրէք ջաները» և այլ բանաստեղծութիւնների մէջ, մտքերի արամարանական դասաւորութեամբ, ցայտուն արտայայտութիւններով և թովիչ հնչիւններով — ամենայաջուղած էջերից մէկը կարելի է համարել։ Տնտեսական թշւառ կացութիւն, հոգեկան յուղւած ու մաղձոտ դրութիւն, սօցիալ-քաղական կաշկանդւած վիճակ, քաղաքակրթական արգասաւոր գեր՝ կապիտալիստական արդիւնաբերութեան կեանքում, — հակիրճ ու ազդու տողերով այդ գաղափարն է տալիս մեզ պրօլետարիատի երգիչը աշխատաւորի մասին, այն աշխատաւորի, որ իր պատմական առաքելութեան խորին գիտակցութեամբ կոչում է։

«Հա, մենք ենք գալիս —

Թարենոր վշտի զրկանքի բովից,

Հալածանքների, զարշ ստրկութեան
Մոռացուած խաւից —

Կրծքով վշտերու փառքը տիրողին, —

Գահը բռնութեան — ստրուկի շղթան, —

Նոր ուղի հարթել մեր նմաններին,

Արժանի կոչման — հաւասարութեան՝

Այդպէս ենք գալիս...
(«Բանուորները»):

Իսկ մի այլ տեղ բանուորը երգում է խրոխո ու
համարձակ՝

«Բաւ է, ընկերներ, պարզենք կոշտացած
Մեր ջլու ձեռքեր—

Յառաջ համարձակ, կեանքի մեծ բեմում
Փոխում են դերեր»...*)

(«Բանուորի երգը»):

Ակների է, որ Կուրդինեանը չի բանաստեղծում
առհասարակ աշխատաւորական կեանքի կայուն գրու-
թիւնը, բանուորի հոգեկան սովորական բոպէները, այլ
գիտակից բանուորի յարաշարժ վիճակը, նրան՝ շարժ-
ման եռուն ընթացքի մէջ, նրա ալիկոծւած հոգեկանի
անսովոր վայրկեանները:

«Կեանքի մեծ բեմում փոխում են դերեր»...
Կուրդինեանը արտայայտում է երգող բանուորի բերա-
նով համարակափիփսոփայական այդ դասական միտքը,
որով իմաստալից խոր բովանդակութիւն է ստանում
նրա լակոնական արտայայտութիւնը, Երէկւայ
տիրապետողը գահընկեց է եղել, և, դերերը փոխւելով՝
Երէկւայ ճնշւածը տիրապետում է այսօր. բայց դար-
ձեալ դերերը փոխւելով պատմական հակադարձու-
թիւնը, այսօրւայ ճնշւածը պիտի բնանհրաժեշտուէն
խորտակէ վաղը տիրապետողի փառքի կաթողները...—
դասակարգային կուի պատմական ընթացքի բանաս-
տեղծական ձեակերպումն է՝ «Կեանքի մեծ բեմում
փոխում են դերեր»—ճնշանակալից խօսքերը:

Սակայն պրօլետարիատի երգիչը հանդէս է գալիս

*) Ընդգծումը մերն է:

իր՝ կուղինայինը ասել, առաւել իսկական դերի մէջ,
երբ մէկը միւսի յետևից թերթում ենք նրա «զողանջ-
ների» ազիտացիական-մարտական էջերը—ամենաու-
ժեղ ու տպաւորիչ բանաստեղծութիւնները: Այդ ագի-
տացիան չունի ծրագրային այն բնաւորութիւնը, որ
տիսանը Յակոբեանի մօտ: Այստեղ ամենահրատապ,
ուշը ու միտք բլեւող ինսդիրն է զբաղեցնում յարգելի
բանաստեղծունու մուսային,—ըստաքական ազատա-
գրութեան կնճոտ հարցն է այդ, որի արմատական
լուծումից արգէն կախւած է ծրագրային շատ ու շատ
պահանջների իրականացումը: Նա սկսում ու տւար-
առում է իր բանահիւսւածքը ազատութեան զողանջնե-
րով, որով մեր արթուն երգիչը մարտական յորդոր
է կարգում վաղօրդեան լոյսին դիմաւորելու յուսավառ
ձգտութերով տոգորւած ազատագիրներին.

«Զողանջնւմին զանգակները... զողանջնւմ են
ամեն օր,

Տառապանքի կակիծներից երգեր հիւսում ահաւոր—
Տանջուած երկրի ցաւոտ կրծքից ըմբռատ կոռւի
կոչն ուժգին

Տարածում է ամեն խաւում ահեղ թափով՝ ա-
մենքին»...
(«Ազատութեան զողանջները»):

Կամ

«Յառաջ անլիներ, յառաջ մինչեւ վերջ,
Սուրբ նպատակին միշտ հաւատարիմ—
Մահըն անմահ է արդար կոռւի մէջ
Եւ ուխտատեղիմարտիկի շիրիմ»...
(«Յառաջ անվեհեր»):

Պարզ է, անկասկած, որ բաղաքական ազատա-

զբութեան զերագոյն սկզբունքը կազմում է մեր պօչտի առաջնորդող դադափարը, նրա հոգուն տիրապետող միտքը: Ազիտացիական-մարտական նման ներքուներ՝ «Արշալոյսի զօղանչներ»-ի մէջ,—որքան կուգէք:

Կուրղինեանի ստեղծագործող տաղանդը առանձնապէս փայլում է այն էջելում, ուր նա խնամքով նրբագծում է տանջւող ու տառապող ազատագիր մարտիկի հոգեկան փոթորկայոյդ վայրկեանները—բանտում շղթայակապ, կախաղանի վրայ, հրացանազարկից յիտոյ՝ թէ այլ գժնուակ վիճակում: Հիանալի է այդ տեսկէտից «Կալանաւորի երգը», ուր երկաթէ օղակների մէջ տանջւող ու հիւծւող կալանաւորը սրտատրով սպասում է վերահաս արշալոյսին և թունալից տոնով գիմում «Ահացած ժանդուա ու պաղ օղակներին»—իր ոտերը կաշկանդող շղթային՝

«Հսմում ես գրսից ներգաղնակ երգի

Ազմուկն յաղթական,

Նա է ցուցարար իմ ընկերներից՝

Քո դատը մահուան»:

Եւ այն:

Սակայն Կուրղինեանի «զօղանջների» ամենասրանչելի քերթւածքը կազմում է նրա՝ «Յե՛տ տա՛ր քո խաչը» բանաստեղծութիւնը, որ առանձին փայլ է տալիս բնոյթով նմանօրինակ էջերին: Այդ բանաստեղծութիւնը՝ կուգենայինք ասել, կազմում է առաջինը հաւասարների մէջ: Քաղաքական ամենասրտածմիկ գործողութիւններից մէկի նկարագրութիւնն է չորս էջից աւելի բոնող այդ գեղեցեկ բանահիւսւածքը: Ազատագրական շարժման արիւնաներկ պատմութեան

մի կենդանի, բանաստեղծած էջն է այդ կտորը: Մէակցիայի բիւրաւոր սխրագործութիւնների ընորոշիչ նմուշներից մէկն է այդ, որոնցով այնքան հարուստ է մեր երկրի մարտիրոսագրութեան քրոնիկոնը: Իշնութեան տարերգների անբարբառ վշտակցութիւնը՝ առ կախաղան բարձրացող մահապարտ զոհը, վերջնիս Փիղիքական այլանդակութիւնը—ձեռ ու ոտով անդամալուծւած ուռմբի պայթումից,—և այնուամենայնիւ նրա անվհատ, ըմբռստ ու անվեճեր հոգեկան վիճակը և այն,—այդ բոլորը նրբագծւած է քանքարւոր գըրչով, ուժիղ զգացմունքներով: Երբ մտաւոր ստրկութեան սկազեստ ներկայացուցիչը, գարաւոր քնէութեան գործիքը՝ երկաթէ կտորը մօտեցնում է գերեզման իջնող քաջամարտիկ հերոսին համբուրելու, սա այդ վերջին վայրկեանին իսկ՝ հոգու բոլոր արիութեամբ, խրոխս ու աներկիւղ գոչում է ստորաքարշնունդի երեսին՝

«Յե՛տ տա՛ր քո խաչը—գործիքն յարմար

Անվերջ կեղծիքի, լպիրը ըսութեան.

Անխախտ պատճառըն—արուած ոտնահար

Ամեն մի տենչի թշուառ մարդկութեան:

Յե՛տ տաք ազգերի տիտան կապանքի—

Վեհ ձգտումների, սուրբ ճշմարտութեան,

Գիտակից մտքի—աղատ վայելքի,

Շաղկապ իդէալի—հաւասարութեան,

Եւ սասանական անվերջ ջարդերին,

Անմեղ զոհերի անգութ սպասման՝

Վաղուց կեղծուած ժանդուա բանգոտ բանալին...

Յե՛տ տա՛ր... նրանից արիւն է ծորում,

Վազում արցունքի, շարաւի հեղեղ,

Բիւրաւոր, անթիւ զոհերի լքում—
Ղողանջում մահուան նպովով տհեղ...
Եւ այլն:

Քանի՞-քոնի՞ անդամ են ազատագրական շարժման անվեհեր զինւորները այս և նման խօսքերով կընքել իրենց մահկանացուն: Մուսայի «որսած» վայրկանը աւելի քան իրական է, թարմ ու ժամանակակից: վերաբաղրութիւնը՝ նուրբ ու տաղանդաւոր:

Գիօթէն մի տեղ իր համարեղ քերթւածքի մէջ, իր համաշխարհային տիպի բերանն է դնում այս իմաստուն խօսքերը՝

«Wer für die Besten seiner
Zeit gelebt,

Der hat gelebt für alle Zeiten».

(Ով ապրում է իր ժամանակի լաւագոյնների համար, նա ապրում է բոլոր ժամանակների համար):

Սյու խօսքերը ամենից առաջ վերաբերում են զրականական զործիչներից նրանց, որոնք երգում, բանաստեղծում են զովքն ու զործքը իրենց «ժամանակի լաւագոյնների»: որոնք ստեղծագործում են իրենց դրական տիպերը այդ «լաւագոյնների» մթնոլորդից, քաղում իրենց առաջնորդող երգը այդ «լաւագոյնների» արարքներից և «հաւատայ հանգանակից»: Իսկ «ժամանակի լաւագոյնները» նրանք են, որոնք մտածում ու զործում են ժամանակի հասարակական առաջադիմութեան տեսակետից, մարտնչում են յանուն հասարակական վսեմ իդէալի, ձգտում են իրականացնելու այդ իդէալը:

Մեր թւած երեք բանաստեղծները՝ Ագա-Նեգրի,

Յակոբեան և Կուրդինեան, ինչպէս տեսանք, երգիշներ են աշխատանքի և աշխատաւորի: ուրիշ խօսքով դա նշանակում է, որ նրանք երգիչներ են ժամանակակից քաղաքակրթութեան այն գործնի և արդի հասարակութեան այն դասակարգի, որոնցով պայմանաւորւած է նորագոյն դարի սօցիալական առաջադիմութիւնը և որոնց պատմական գոյութեան սկզբունքային էութիւնից բղիսել ու հիմնաւորւել է ապագայում իրականանալիք հասարակական իդէալը: Հետեւապէս մեր երգիշները՝ առաւել կամ պակաս տարբերութեամբ, ապրել ու ապրում են իրենց «ժամանակի լաւագոյն» տարբերի համար: Եւ զրա մէջ է կայանում նրանց բանաստեղծական ստեղծագործութեան գաղափարային պարունակութեան դրական ու մասյուն արժէը: Սակայն, յատկապէս այդ գնահատական կշռաչափի տեսակէտից՝ մենք տեսանք ալդէն ակներկ փաստերով, որ Կուրդինեանը անհամեմատ բարձր է կանգնած: Նա ստեղծագործում է մեր առաջ կենդանի, շարժուն կեանքի ծոցից այնպիսի պատկերներ, սօցիալական կուի հնոցից այնպիսի էջեր, ուր «ժամանակի լաւագոյնները»—առաջնապահ տարբերը—յուղում ու փոթորկում, պայքարում ու մարտնչում են ընդդէմ ժամանակի յետադիմական ոյժերի, յօգուտ ժամանակի հասարակական առաջադիմութեան: Նոյն չափով ու որակով այդ առաջնորդող ձգտումը տեղ է բռնում Աղա-Նեգրիի և Յակոբեանի երկերի մէջ:

Ամենազգայի թերութիւնը Կուրդինեանի «զօղանջների» մէջ, ինչպէս նկատեցինք առաջ հարեանցօրէն, կազմում է աշխատանքային վայրկեանների վերաբաղրութեան քացակայութիւնը: Բացի «Դութար-

Նի երգ»-ից—երկբազուծական-պիւղտյիական աշխատանքի թոյլ բանաստեղծումից—չկան ժողովածւի մէջ ուրիշ ոտանաւորներ աշխատանքի վերաբերեալ։ Մինչդեռ թէ որ աստիճան անհրաժեշտ բաժին պիտի կազմէ բանաւորի աշխատանքային կեանքը պրօլետարիատի երգչի բանաստեղծական հիւսւածքի մէջ, դա բացատրութեան անկարօտ մի ակնյայտնի պահանջ է։ Թէ որքան կարևոր է և կրթիչ նշանակութիւն ունի զանազան ճիւղերի աշխատանքային կեանքի բազմատեսակ երևոյթների բանաստեղծումը, ապա՝ արհետանոցում, զործարանում, թէ դաշտի մէջ աշխատանքի բովում կոփուղ ու կաղապարուղ բանւորական հոգեբանութեան նրբագծումը,—դա ևս ակներև է։

Սակայն ոռու omnia possimus omnes... և այդ թերութեան փաստը մեղմանում է, եթէ ինկատի ունենանք այն հանգամանքը, որ նախ Կուրդինեանի զրբոյկը իր վերնագրի տակ չէ յայտարարում որ և է յաւակնութիւն, չնչպէս Յակորեանի զրբոյկն է, լինելու կամ տալու մեզ աշխատանքի երգեր. երկրորդ՝ մեր բանաստեղծունու ուշադրութիւնը այնքան է զրաւած աւելի հոռոն ու թոփչքային, աւելի թարմ, ժամանակակից ու կենսալիր երևոյթներով՝ ներկայի իրականութեան, որ նա անկարող էր հոգեբանօրէն՝ հաւասար կամ զրեթէ հաւասար չափով երգել ու բանաստեղծել աշխատանքային կեանքի համեմատաբար խաղաղ ու համրենթաց ելեէջները։ Այնպէս որ երիտասարդ բանաստեղծունին իրաւունք ունի պարզերև ասելու՝ արել եմ, ինչ կարողացել եմ,

Մեր սպասելիքները երիտասարդ բանաստեղծունուց թոյլ ենք տալիս մեզ նկատելու, շատ են։ Այս,

մենք շատ բան ենք սպասում Կուրդինեանի նորաբողբոջ տաղանդի ապագայ բեղմնաւորութիւնից։ Մենք համարձակւում ենք սպասելու, որ նա՝ պրօլետարիատի երգիչը, կդառնայ ապագայում և աշխատանքի երգիչ էլ աւելի ընդարձակ ծաւալով և բարձր որակով, քանի խալական բանաստեղծունին է։ Հայ բանաստեղծունու ստեղծագործական ձիրքը տալիս է սպասելիքների այդ գրաւականը։ Բացի այդ, Կուրդինեանը ունի այն խոշոր պիտուսը, որ նա պրօլետարիատի բանաստեղծ—գաղափարախօսն է, նրա մարտական ձգտումների յեղափոխական երգիչը,—մի հանգամանք, որից զուրկ է ընդհանրապէս մանր-բուրժուական փափկազգաց գեմոկրատ Ադա-Նեկրին։ Եւ եթէ վերջնիս մէջ զժբաղդաբար այնքան վաղաժամ մարել է բանաստեղծական կայձը,—երկի, զիլիաւորապէս, կանացի այնքան սովորական տիպերի քաղքենիական շրջանի խարուսիկ հրապոյըներին կուլ գնալու պատճառով՝ հարուստ փեսացի հետ ամուսնանալուց յետոյ,—ապա Կուրդինեանի մօտ, սիրում ենք հաւատալ, բանաստեղծական քանիքարը առաջ կընթանայ անարգել իր աստիճանական զարգացման շաւզով։ իսկ տառապող դասակարգի ազատագրական ոգին միշտ կրցավառէ և կհուրինաւուէ նրա զգացմունքները՝ ստեղծագործելու և հրաշակերելու նրա կեանքի բաղմատեսակ կողմերից շատ աւելին, քան նոյն իսկ սպասել կարող էինք։

V.

Գրւածքիս վերջում կկամենայինք մի կարեոր կէտի վերաբերեալ փոքրիկ նմանութիւն անել Ադա-Նեկրին և Կուրդինեանի բանաստեղծութիւնների մի

բնորոշ կէտի նկատմամբ և տալ նրա համառօտ լուսաբանութիւնը:

Մէկի թէ միւսի մօտ, մանաւանդ Աղա-Նեգրիի պրակներում, յաճախ է կրկնւում, երբեմն շատ ուժեղ տոնով, վշտի եղանակը: Վիշտ, տանջանք, կակիծ ու տառապանք կազմում են իտալացի և հայ բանաստեղծուհների հիւսած երգերի սիրած նւագները: Միքանի նմուշներ կտան մեզ գաղափար դրանց մասին. Աղա-Նեգրին երգում է՝

«Նա է փառքի լոկ արժանի,
Որը խոցուած սրտի խորքում բիւր վշտերի սպի
ունի,

Յաղթութիւնը մարտի դաշտում տանում է միշտ
քաջ զինւորը,

Տառապանքն է, որ սրբում է մտքի ազնիւ ճա-

նապարհը»:

(«Ճակատագիր»):

«Տանջուել ու տոկալ չէ որ ասել է՝ ապ-

րել ու զգալ»...

(«Անմահը»):

«Եւ վիշտը անմեռ ու հոգու յաւերժ յաւի-

տենական»:

(«Առանց յանգերի»):

«Կեցցէ կրակը, որ աւերում է,
Զնջում աշխարհից չարիքը կեանքի—

Որ հալածելով իր հետ տանում է

Տագնապը քաղցի ու տառապանքի.

Որ անյայտութեան մատնելով մարմիխն,

Հանգիստ է բերում լքման զոհերին»:

(«Հըղեհ հանքերում»):

Կուրդինեանի գրքոյկի մէջ կարդում ենք՝
«Կեցցէ տանջանքը, որ համբերութեան

Ակըն անսպառ իսպառ չորացրեց.

Սողալուն սովոր անխորտակ հակման

Ծիլերն անարդ մեր սրտից ջնջեց:

Կեցցեն կառափներ, մարտակ, կախաղան,

Սովալուկ ամբոխ, և՛ կարիք, և՛ հաց,

Արեան հեղեղներ, ուր կեանքի գարնան

Շողերն յուսոյ մեր գէմ շողողաց:

Կեցցէ մարդկութեան տանջանքի երկունք,

Նոր գաղափարի ծնունդն արդար.

Էլ չենք խոնարհի մենք վիզ ու թիկունք—

Հա, սողում էինք, բայց էլ չենք սողար»...

(«Կիւանքի դասը»):

Քերած նմուշները աւելի քան պարզօրէն վկայում են, թէ որքան կարեռ տեղ է բանում վշտի հյանակը Աղա-Նեգրիի և կուրդինեանի հոգեկան ծալքերում: Թէ որքան նման ելեէջների և կապակցութիւնների մէջ, անգամ նման արտայայտութիւններով և նոյն իմաստով է գործածւում այդ եղանակը երկուսի մօտ, գա ակնյայտօրէն նկատելի է վիրկ բերած կտորների մէջ: «Տառապանքն է, որ սրբում է մտքի ազնիւ ճանապարհը»—ասում է մէկը: «Կեցցէ մարդկութեան տանջանքի երկունք», որովհետև նա ընոր արդար գաղափարի ծնունդն է»—ասում է միւսը: «Վիշտը անմեռ է», «Կեցցէ աշխարհի չարիքը ջնջող կրակը»—կոչում է մէկը: «Կեցցէ համբերութեան ակընպառ չորացնող տանջանքը»—կոչում է միւսը: Մօտիւը իր յստակութեամբ գործ է ածւում մէկի թէ միւսի կողմից միեւնոյն գաղափարային իմաստով:

միեւնոյն արժէքով:

Բայց ի՞նչ է նշանակում այդ, ո՞րն է այդքան ուժեղ հնչուղ եղանակի զոյութեան անհրաժեշտ պայմանը: Զկայ կեանք՝ առանց մահւան, չկայ ուրախութիւն՝ առանց վշտի, չկայ ծիծաղ՝ առանց լացի, չկայ հանգիստ, անդորր երջանկութիւն՝ առանց տանջալից ու տառապալից գժբաղդութեան, չկայ վայելք ու բաւականութիւն՝ առանց տանջանքի ու զոհողութեան և այն և այն: Յաճախ է կրկնել և շատերից երգւել փիլիսոփայական այդ ասացւածքը: Զկայ հարստութիւն՝ առանց մասսայական չքաւորութեան, չկայ շահագործող՝ առանց շահագործողի, չկայ տիրապետող՝ առանց տիրապետողի կամ ենթարկւողի,—կարելի է անվերջ շարունակել այդ հակապատկեր երեսյթների և հասկացողութիւնների շարքը:

Դա կեանքի բովէների և հոգեկան տարերքների յարաշարժ ընթացքն է, իր դիալեկտիքական հակագարձութեամբ: Դա օրգանական և սօցիալ-պատմական կեանքի դրական ու բացասական տարրերի յուրաճուն ու յարաժէք պայքարն է,—օրգանական կեանքի զարգացման և մարդկային հասարակութեան առաջադիմութեան առաջ-մղիչ խթանը:

Որոշ դրական երեւյթի գոյութեան և տեսկանութեան հնարաւորութիւնը պայմանաւորւած է «համապատասխան» բացասական երեւյթի գոյութեամբ: Մէկը գտնում է միւսի հետ զործակցական յարաբերութեան մէջ: Դրականն ու բացասականը կազմում են միևնոյն ամբողջական մեծութեան տարբեր կողմերը: Օրինակ՝ կապիտալիստական արդիւնաբերութիւնը ստեղծագործելով նորագոյն հասարակութեան ծոցում

չնաշխարհիկ դրական քաղաքակրթութիւն, միաժամանակ, դիալեկտիքական անհրաժեշտութեամբ, տոն է տւել բացասական երեսյթների մի նմանը չեղած վիթխարի կառուցւածքի, որին անծանօթ է պատմութեան նախակապիտալիստական շրջանը: Նորագոյն ունկորի (կամ ունկորների գասի) կապիտալիստական հարստութիւնը ուրիշ բան չէ, բայց եթէ նիւթական (դրական) բարիքների կուտակումը՝ չունկորների մասսայական շահագործութեան հաշւին, դառն չքաւորութեան (բացասական երեսյթի) գնով: Եթէ մի տեղ թագաւորում է հանգիստ ու անդորր երջանկութիւն, ուրախ վայելքների և տնհոգ ինքնարաւականութեան ամենաբարձր աստիճանը,—դա շնորհիւ այն օբխնկտիւ պայմանների, որովհետեւ մի այլ տեղ, սանդուխքի հակառակ ծայրում, իշխում է այդ դրականի բացասական կողմը՝ հանուր չքաւորութիւն, տանջանք ու տառապանք, դառն վշտերով ու զրկանքներով լի մի եղկելի վիճակ:

Սակայն ինքը բացասականը, իր հերթին, այլ բան չէ, բայց եթէ բացասող տարբերի մի համագումար, տրամագծօրէն ուղղւած դրական դրութեան գոյութեան հիմքերի գէմ: Բացասող տարբերը՝ օրգանական թէ հասարակական կեանքում, պարունակում են իրենց մէջ տիրող կանգուն-դրական դրութեան յեղաշրջման քայլայիշ բացիլները:

Բայց ի՞նչ իրական-նիւթական աղբիւրից է իր սկիզբն առնում բացասող տարբերի—ասկնք՝ օրինակ, հասարակական խմբակների—յեղափոխականութեան իլէօլօգիսն:—Ծնոտեսական շահագործութեան, նիւթական թշւառ ու ձնշւած կացութեան այն մթնոլոր

գում, ուր հասարակական դժնդակ չարիքը լճանում և տարերային ուժգնութեամբ մի ելք է որոնում: Մարդկային սեռի հոգեկան վիճակը՝ այդ միջավայրում, վշտի ու կոկիծի, տանձանքի ու տառապանքի տիրուր ծալքերի մի աղեխարշ հիւսւածք է՝ իր բազմերանգ արտայայտութիւններով:

Ահա այդ օրիեկտիւ պայմանների իրական հիմքերից, բացասական երկոյթների շօշափելի արմատներից գոյանում է զաղափարային երկոնքը, ծնունդ են առնում իրէական սաղմեր և հասարակական ոյժեր, որոնք պատմականօրէն կոչւած են կրծելու և փորփորելու գրական դրութեան իրական կոււանները: «Դըքքաղդ» բացասականը գառնում է մի մարմնացած բողոք, մի անհանդ ըմբռստացումն, մի սպառնացող վտանգ՝ ուղղած տիրապետող «երջանիկ» գրականի դէմ:

Առաջ է ցցւում կնճուտ հանգոյցը. — Կոյութիւն ունեցող սրբագրծւած հասարակակարգի (գրականի) և ըստ նոր հասարակական իդէալի, նրա յիշաշրջման (բացասման) յարաբերութեան հարցը. Հին յետուղէմ գործօնների և նոր առաջադէմ ոյժերի անհաշտ մաքառման ընթացքը:

Այդ քնաւորութեամբ և այդ ձանապարհով է ընթացել հասարակական կեանքի պատմական ուղին, եւ մենք կամեցանք այս թռուցիկ ակնարկներով միայն պարզել թէ ինչ իմաստով պիտի հասկանալ մեր բանաստեղծ հեղինակների անխնայ ներբողները՝ կեանքի բացասական հրեսոյթների հասցէին: Մենք տեսանք արդէն մեր գիտողութիւնների ընթացքում, որ նրանք բանաստեղծական արտայայտիչներն են այն դաստիարգի, որի աշխատանքային և տնտեսական ու հա-

սարակական-հոգեկան կեանքի բազմատեսակ վայրկեանների բովանդակութիւնը ներկայացնում է տառապալից զրկանքների ու տանջանքների, վշտերի ու կոկիծների մի ողբերգական տեսարան: Եւ սակայն, որքան էլ այդ գժնդակ վայրկեանները իրենց ամբողջ թափով մաշեն, հիւծեն ու թունաւորեն աշխատաւորութեան առօրեայ կեանքը, այնուամենայնիւ նրանք են, որ օրիեկտիւ հող են պատրաստում ազատազրութեան գաղափարային երկունքի համար, այդ դառնալից կեանքի կապարեայ ծանրութիւնն է, որ սկզբնական իման է ծառայում բանւորութեան տարերային բոնկումների և ընազդային ըմբռստացումների: Իսկ վերջններս այնպիսի պայմաններ են, որոնք, իրենց հերթին, առաջ են մզում բնազդային—տարերային հողի վրայ սլայքարողներին՝ մարտնչելու կազմակերպւած—գիտակցական հողի վրայ, ծրագրային ձանապարհով: ասել է՝ խմորում են նրանց միտքը՝ դիւրութեամբ ըմբռնելու իրենց գասակարգային հասարակական իդէալը հիմնաւորող աշխարհահայեացքը:

Եթէ Ադանեկը կ Կուրզինհանը այնքան ներգաշնակօրէն հնչեցնում են վշտի եղանակը, երգում մարդկային տանջանքն ու տառապանքը, որպէս՝ «որ արդար գաղափարի ծնունդ», որ «սրբում է ապնիւ մտքի ձանապարհը», ապա զրանք բանաստեղծօրէն ձեւակերպւած լակոնական արտայայտութիւններ են, որոնց իմաստի փիլիսոփայական բացատրութիւնը այլ չէ, քան այն, ինչ տեսանք մենք վերեւ: Սակայն մենք վախենում ենք, որ բանաստեղծական այդ լակոնիզմը թիւրիմաց եղբակացութիւնների տեղիք տայ, չհասկացւի գաղափարը իր ճիշտ իմաստով: ուստի

կարելոր է մի փոքրիկ լրացումն ևս:

Չպէտք է երկու Նրբութիւններ միմեանց հետ շփոթել: Մեր հեղինակները չեն երգում ու փառաբանում այդ բացասական երևոյթները՝ վիշտ, տանջանք, տառապանք և այլն, որպէս իդէալական-երանւսկան դրութիւն, որպէս մի բան, որ ցանկալի է, որին ձրգտել ու հասնել է հարկաւոր: Եթէ նրանք այդ մտքով բանաստեղծէին, այն ժամանակ չէին համարւի, բնականորէն, աշխատանքի և աշխատաւոր-պրօլետարի երգիչներ, նրանց ազատազգրւելու և բարեբասատիկ կեանք վարելու իղձերի արտայայտիչներ, այլ նրանք կփայփայէին աշխատաւորի չարքաշ ու թշւառ կացութիւնը՝ որպէս այդպիսին, որպէս համելու արժանի և նախանձելի մի իդէալ և կյորդորէին հասարակութեան միւս՝ քաղաքակրթութեան տեսակէտից բարձր ու բարեկեցիկ, հատւածներին՝ մի անազորոյն բէակցիւ այզվ յետ մղւելու դէպի բանւորական-գիւղացիական աշխարհը:

Ամենաբն ոչ: Մեր հեղինակները, բարեբազդաբար, շատ հեռու են միջնադարեան ճգնապաշտութեան և ոռւսոյական-տօլմատոյական բաղաքակրթութիւն աշտող ձգտումներ երգելու տրամադրութիւնից: Նրանք գրւատում են այդ բացասական երևոյթները, սոսկ որպէս միջոցներ, որոնք տարերային ուժգնութեամբ հրում են ճնշւածին ու զրկւածին դէպի գոյութեան կուի դաշտը՝ ընդդէմ ճնշողի, զրկողի ու բռնացողի. նրանք բանաստեղծում են վիշտն ու տանջանքը, որպէս իմթաններ, որոնք առաջ են մղում բանւորութեան դէպի նոր գաղափարների և իդէալների աշխարհը, տոգորւելու իրենց ազատազրութեան փայլուն հեռան-

կարներով. որպէս օրինեկտիւ պայմաններ, որոնք դարձնում են հասարակութեան ստորին խաւին բացասող տարրեր, հասարակական քաքայիչ բացիլներ՝ ուղղւած վերին դասի տիրապետող հասարակակարգի գոյութեան իրական հիմքերի դէմ:

Ով մտածում, ծրագրում, գործում, պայքարում ու մարտնչում է յանուն նոր գաղափարների իրականացման, լաւագոյն ապագայի և ընդդէմ տիրող հին ու փթած կարգերի, նաև տարակոյս չկայ, բամում է գառնութեան բաժակը, հերոսական միգ ու ջանքերի ուղեկցութեամբ հարթում է փշտ ուղին, մաշում տառապալից զրկանքների ու զոհողութիւնների մի բացառիկ զրութիւն: Ad angusta per angusta – ասում է լատինական առածը. անկարելի է ձգտել ու հասնել նպատակի, առանց երկար տարածութեան վրայ փըռւած խոչընդուները վերացնելու:

Եւ եթէ այս բոլորից հետեւում է այն, որ գաղափարի գոհը պէտք է անխուսափելիօրէն տոկայ ու տանչւի, ապա միւս կողմից հետեւում է նաև այն, որ ազատագրութեան մտածող ու ծրագրող մարտիկները ծագում են սովորաբար այն մթնոլորդից, այն հասարակական միջավայրից, ուր տիրում են ճակատագրօրէն չքաւորութիւն, ճնշում ու տանջանք, վիշտ ու տառապանք—բացասական վայրկեանների ողբերգական հիւսւածքը: «Я жить хочу, чтобъ мыслить и страдать», — что ճակատագրական նշանաբանն է ամեն մի հասարակական գործչի, ով մտածում, տանջւում, հենհետեաբար՝ և մարտնչում է յանուն տառապող դասակարգի հասարակական իդէալի: Վայելքների և խրաճանքների փարթամ ծոցում սնւած ու աճած բուրժու-

ական ինքնագոհունակ սերունդը ոչ մտածում, ոչ տանջուում և ոչ մարտնչում է նոր գաղափարների, հասարակութան նոր իդէալի անունով, որովհետև նրա համար նոյնքան անձանօթ է կարիքների աշխարհը, որքան օտար է նրանց հոգեկան կեանքի համար տանջւելն ու տոկալը: Նա չի մարտնչում, ասում ենք, այն հասարակ պատճառով, որովհետև նրա հասարակական միջավայրում իշխում են ոչ թէ բացասական, այլ գրական վայրկեանները—նա վայելում է անարդեկ ու անսահմանափակ՝ փառահեղ քաղաքակրթութեան բոլոր նորագոյն բարիքները. չի մարտնչում, որովհետև իր նախնիքներն արդէն կարիքի ու պատմական անհրաժեշտութեան թելագրանքով, վաղուց են մարտնչել և փաստացի իրականացրել բուրժուազիայի հասարակական իդէալը:

Թէ Աղա-Նեկրիի և թէ Կուրզինեանի մօտ կան այսպիսի արտայայտութիւններ՝ «Կեցցէ կրակը, որ տւերում է...», «Կեցցէն կառափներ, մորակ, կախաղան...» և այլն: Այս արտայայտութիւնները աւելի քան «Կեցցէ վիշտն ու տանջանքը», կարող են արտաքին հայեցքից խոշոր թիւրիմացութեան առիթ տալ: Սակայն այդ երկոյթները ուրիշ բան չեն, բայց եթէ բացասական երկոյթների խորհրդանշաններ՝ գործածւած պայմանական իմաստով: «Կառափները, մըտրակը, կախաղանը, ամբոխի սովալլուկ» վիճակը և այլն — դրանք չեն, ըստինքեան վերցրած, որպէս այդպիսիք, «Կեցցէ» կոչին արժանի պայմանները, այլ գրանք «ցանկալի» են միայն այնքան, որքան ճնշելով, բոնանալով՝ քրիստոնէական համբերատարութեամբ վիզը ծուած «սովալլուկ ամբոխի» վրայ, առաջ են բերում

վերջնիս մէջ ըմբոստ գիմադրութիւն, հուժկու բողոք, բոնկումներ ընդդէմ «մարտակի» և «կախաղանի» բըռնակալ հեղինակների, գիտակցական-քննադատական լրջմիտ վերաբերմունք գէպի իր պատմական դիրքն ու գերը՝ տիրապետող կարգերի ներքոյ, զարգացման տևեալ ըրջանում:

Որքան խիստ լինեն ճնշումները, այնքան շուտ կարթնանայ և գիտակցութեան կզայ դրանց ծանրութեան տակ տնքացող մասսան,—այդ սօցիալ-պատմական առածի իմաստով պիտի հասկանալ մեր հեղինակների զրւատական երգը, ուղղւած վերոյիշեալ բացասական երկոյթների հասցէին:

Մենք նկատեցինք մի տեղ, որ ոմանք Կուրզինեանին համարում են հայկական Աղա-Նեկրիին և աւելացրինք, որ գա ճիշտ է միայն արտաքին հայեցքից —ինկատի ունենալով նրանց լեյտոնի-ների էական տարբերութիւնը: Սակայն վշտի մօտիւի մեր համառու վերլուծումը ցոյց տւեց, որ նրանք միմեանց ձայնակցում են այդ կարեռը կէտում ևս: Այժմ հարց է ծագում, բնականորէն, արդեօք ազդեկ է Կուրզինեանը Աղա-Նեկրիից: Մենք կարծում ենք՝ Բայց եթէ եղել է այդպիսի ազգեցութիւն—գա չափաւոր է և միայն գրական կողմերից: Եւ լաւ է, որ Կուրզինեանը ազդեկ է այդ կողմերից: Կարող ենք համարձակ ասել, որ ազգւողը յետ չի մնում ազդողից նոյն իսկ այդ տեսակէտից:





Чирикъ 5 20 4.

Чирикъ—Ростовъ н.-Д. Б. Садовая, 47. Гайку Авакьянцъ.

ՀՀ Ազգային գրադարան



NL0370715

63.859